

7pm - 7am
October until December 2012

19th

/MB



TELKOM PNG
Always Here

Off peak Internet Prepaid rates
reduced for the rest of the Year

24/7 Customer Care: Call 345 6789 or www.telikompng.com.pg

Conditions Apply

HOT OKTOBA DEALS

Kisim K5 fri credits lon wanwan mun insait lo tripla mun*



Digicel will credit your account in 3 separate K5 installments if you also top up your account: 1st K5 (credited on account activation); 2nd K5 (credited on 15 Nov if you top up between 1 Nov and 14 Nov); 3rd K5 (credited on 15 Dec if you top up between 1 Dec and 14 Dec). Each K5 credit is not transferable and expires in 15 days from the date it is applied. The K5 can be used only for voice calls and SMS (charged at standard rates). Digicel may withdraw the offer at any time without prior notice. Terms & conditions apply. See www.digicelpng.com.

WWW.DIGICELPNG.COM

Digicel

Palamen Nius
- pes 2

PM salim toksore long
leit Se Donatus Mola
- pes 5

Madang taun
bagarap
- pes 7

Promotim
fud sekuriti
- pes 25



WELKAM NA TENKYU: Roselyn Robert, wokmeri bilong Anglicare drop in Senta i givim wanpela presen i go long Asbisop bilong Kenteberi Revren Dokta Rowan Williams taim em raun go lukim ol long aste Trinde long Waigani Pot Mosbi. Moa stori long Laipstail pes 21. Poto Nicky Bernard

GLOBE

....the perfect choice

VITAMIN ENRICHED

More Easy, More Tasty, More Healthy.



PM tok klia long painim gutpela ileksen

PRAIM Minista Peter O'Neill i tokaut pinis olsem gavman i laikim nupela na strongpela moa wok ileksen i mas stap pastaim long neks ileksen i kamap.

Long bekim ol sut toktok i kam long oposisen long palamen asde (Trinde), olsem i gat paul wok i kamap long PNG Ilektral Komisen (PNGEC), Mista O'Neill i tok gavman i tok oraitim pinis plen bilong kamapim rekot na stori bilong olgeta manmeri bilong kantri. "Mipela bai kamapim baiometrik sistem bilong kantri. We olgeta manmeri bilong kantri bai gat rekot bilong em. Bai mipela i yusim finga prin na olgeta samting

bilong lukim ol tru tru manmeri inap long vot, i vot."

Mista O'Neill i tok tu olsem i no gutpela long ol lida i sutim tok long Ilektral Komisina Andrew Trawen, long wanem em i mekim dispela wok longpela taim na i save gut long mekim.

"Mipela (kabinet) i surukim taim bilong em long wok, bikos mi yet mi ting i no gutpela long senisim man long taim dispela wok i no pinis gut yet. Sapos i gat evidens i stap long paul pasin i kamap, orait, mipela bai mekim wok painim long en. Na husat i asua long en, bai kisim mekimsave. I no gutpela long yumi sutim tok nating long tokwin."

palamennius

'Nogat paul pasin i kamap' – Trawen

ILEKTORAL Komisina Andrew Trawen, i bekim ol sut tok olsem i gat paul pasin i kamap long taim bilong ileksen, we komisin i bin printim 280,000 balot pepa long strongim sampela ol politisen long winim bek opis bilong ol.

Mista Trawen i tok klia olsem taim bilong karimaut ileksen 2012 i no bin inap, olsem ol bipo ileksen.

"Long dispela as, mi mekim disisen long askim Gavman Printa long printim 9.8 milian balot pepa stat yet long Epril 28, pastaim long ilektoral rol i bin pinisim

na pasim vota registresen wok.

"Mi no tok mi no askim Gavman Printa long printim ol dispela balot pepa. Em i stap long pawa bilong mi olsem Komisina, na mi mekim long tingting bilong mi yet, na mi no bihainim askim bilong wanpela politisen. Mi no nidim ol politisen long tokim mi hamas balot pepa bilong printim, o we bilong ronim ileksen," Mista Trawen i tok.

Mista Trawen i tok long Me 31, em i bin askim Gavman Printa long printim 100,000 provinsal balot pepa

moa na 140,000 open balot pepa bai Komisen i gat inap balot pepa bilong inapim groa long namba bilong ol vota long ilektoral rol – long 3.9 milian long 2007, i go long 4.7 milian long 2012.

Long Jun 19, em i askim long 20,000 moa provinsal na 20,000 moa open balot pepa long inapim sot long ol balot pepa bilong Nawae na Huon Galp open long Morobe, we namba bilong ol balot pepa ol ritening opisa i kaunim, i no bin stret.

Em i tok ol balot pepa ol i yusim long 2012 ileksen i wankain, tasol kala i narakain, na olgeta i gat ol namba long en.

Mista Trawen i tok orait tasol long wanpela Komisen ov Inkwairi i kamap long sekim wok bilong em, na ron bilong 2012 ileksen, long painim sapos i gat ol bikpela hevi long ileksen o nogat.

Em i askim tu sapos i gat nid bilong wanpela komisen ov inkwairi wok painim, taim i bin gat ol wok odit o sekim em Deloitte i mekim, na ol ileksen ripot i kam long Transparensi Intanesenel PNG, ol domestik obseva grup na Komonwel Obseva Grup bilong stiaim gavman long strongim ilektoral sistem long kantri.

"Yumi mas klia olsem disisen bilong Palamen taim em i vot long pasim kamap bilong 2012 ileksen inap siks mun, i bagarapim ol plen bilong PNGEC.

"Disisen bilong palamen i kamapim belsut na paul tingting long ol vota manmeri, na ol i no save sapos ol bai enroll na vot o nogat," em i tok.

Mista Trawen i tok klia olsem i nogat as long yusim namba bilong ol ileksen petisen o kot resis long makim strong bilong 2012 ileksen, olsem piksa long strong bilong PNGEC long karimaut fri na sef ileksen.

"Em bikos Ilektral Komisin i no inap long amamasim olgeta kendidet, bikos i gat planti manmeri i no wanbel wantaim 2012 ileksen, wankain olsem ol ileksen bipo, na tu, bai gat yet long ol ileksen i kamap bihain," em i tok.

Polye tok gavman luksave long hevi bilong skelim DSIP manimak

MINISTA bilong Tresari Don Polye i tokaut asde (Trinde) olsem gavman i luksave long hevi bilong skelim ol DSIP mani bihainim nid bilong ol distrik, na i gat wok i go het pinis long painim mobeta rot bilong skelim developmen mani bilong kantri.

Mista Polye i tokaut long dispela taim em i bekim askim i kam long memba bilong Samarai-Murua, Gordon Wesley, husat i askim bai tresari i ken tingim tu ol provins i gat bikpela solwara na ol hevi ol i gat long givim sevis long pipel.

Mista Wesley i askim sapos gavman i ken stretim ol dispela askim pastaim long ol i autim baset o mani plen bilong 2013.

Mista Polye i tok klia olsem Nesenel Ekonomik Fiskal Komisin i bin kamap wantaim wanpela wok kaunim bilong skelim ol developmen mani i go long ol distrik, tasol dispela i no givim inap wankain luksave long olgeta.

"Mipela i no bihainim dispela, na mipela i tok long bihainim konstitusen o mama loa we i tok olsem olgeta risos bilong kantri, em bai mipela i skelim bai olgeta lain long PNG i mas kisim wankain skel," Mista Polye i tok.

Em i tok wok bilong stretim 2013 baset, em i go pas pinis, na wanem ol senis long skelim bilong developmen mani aninit long DSIP, bai mas kamap bihain long olgeta wok painim na glasm bilong nupela rot bilong skelim mani, i pinis.



TINGTING GUT: Planti bilong ol gret 12 insait long kantri i sindaun long fainol ekjem o tes bilong ol. Dispela eksem bilong ol bai kisim tupela wik olgeta. Minnie Kalo Voi, bilong Pot Mosbi Nesenel Hai Skul i putim bilong em go daun long mekim Fisiks tes bilong em. *Poto Nicky Bernard.*

EM I GUTPELA WEI BILONG WOKIM HAUS

Sapos em haus bilong silip, bisnis or komyuniti - lusim mipela i soim yu gutpela wei bilong wokim haus. Yu bai ino inap lukluk long disain na konstraksen long wankain wei ken! Force 10 haus bai sanap yet taim wara i tait, paia ino inap kukim, bai sanap strong long taim bilong guria, binatang ino inap bagarapim na haus inap long pinis long 14pela dei.

Seif, sekua, isi long wokim na eco frendli.



Ringim mipela nau
Intanesinol Fri Kol
000 861 055
o ringim
+ 617 3827 5600



Nau saplaim ol projek insait long
Tabubil, Madang, Lihir Island,
Lae na Port Moresby

Salens bilong sios long daunim jenda vailen na AIDS

Veronica Hatutasi i raitim

SIOS i mas wok strong long daunim salens bilong jenda vailens na HIV na AIDS na wok long kamapim seif sosaiti we pipel i gat luksave long wanpela narapela.

Hetman bilong Angliken Komyunien o Sios long wol, Asbisop bilong Kentaberi, Dokta Rowan Williams i tok aste taim em bin lukluk raun i go long Anglikea Senta long Waigani, Nesenel Kapitel Distrik.

Asbisop Rowan na meri bilong em, Dokta Jane Williams, tupela meri sekreteri, Bisop Jonathan Meyrick bilong Lynn i bin wokim lukluk raun i go long Anglikea Senta aste long lukim long ai bilong ol yet ol wok we Anglikea i wokim long sait bilong Helt, HIV na AIDS na literesi.

"OLgeta taim, ol sios i noken slek, tasol go het long daunim ol salens bikos i gat ol woklain na visen i stap.

"Yumi mas fokus long kamapim wol i seif na i gat luksave long wanpela narapela, wok long wol i seif long olgeta," Asbisop Rowan i tok.

Em i tok wok kempen long vailens agensim ol meri na bagarapim ol pikinini i pas wantaim HIV na AIDS, samting we yumi wok long luksave long em long sotpela taim nau.

"I no long taim nau, yumi wok long luksave olsem jenda vailens i kamapim HIV na AIDS. Na mi amamas olsem Anglikea PNG i mekim bikpela wok long helpim daunim ol dispela hevi," Asbisop Rowan i tok.

Taim Asbisop Rowan i luksave long wok ol sios na Angliken Sios tu, em i tok ol sios i mas strong na tokaut long HIV na AIDS long helpim ol dispela i stap wantaim sik,

na i no lukluk nogut long ol.

"Em i hat long toktok long seksuel helt, HIV na AIDS na long ol lain i gat binatang bilong AIDS. Salens i stap long rausim stigma o pasin long lukluk nogut long ol lain i gat sik AIDS.

"Sios i mas strong (bold) na i noken sem long toktok (openness) stret long samting i sut long HIV na AIDS," Asbisop Rowan i tok.

Em i tok 3 milian pipel long wol i gat sik AIDS.

Em i tok pastaim ol lain i panimaut olsem ol i gat dispela sik, ol i pret nogut tru na em i dai bilong ol.

Tasol em i tok nsau ol i ken kisim helpim na ol i ken stap laip longpela taim moa.

Dairekta bilong Anglikea, Heni Meke i bin askim gavman long givim ogenaísesen bilong em moa mani we i ken helpim karimaut gut wok long helpim moa pipel.

Em i tok maski populesen bilong Angliken Sios i no bikpela, sios aninit long Anglikea i mekim ol wok na i gat ol progrem long edresim HIV na AIDS, jenda vailens na literesi.

"Anglikea i skruim ol wok bilong nem long edresim ol "cross cutting issues" o ol samting we pipel i kisim bikpela hevi long en.

"Literesi, sapotim long strongim ol meri, pasin turangu, spiritual sevis na kaunseling em ol piksa bilong ol cross cutting issues.

Anglikea i stap nau long 5-pela provins na em i strongim ol helt, edukesen (literesi), kaunseling na ol spiritual sevis.

"Bikpela salens mipela i gat em fanding na sapos gavman i ken helpim mipela wantaim fanding long ol helt na edukesen progrem bilong mipela, bai gutpela," Ms Meke i tok.

FREE

SALARY ALERT

THINK BSP!

Don't stand in queues on Payday.

Call 3201212 to register for BSP Salary Alerts

Receive a SMS message as soon as your salary is deposited into your account.

Free service so saves you time and money.

So get connected now.

Bank with PNG's Leading Bank - 24/7.

BANK WITH A REAL BANK!

mobile banking



To REGISTER or for more information talk to us anytime 24/7. Call 320 1212

Find Us On:



Niupela

Maggi

Magic Teist

Wanpela kain kuing pauda

Bai givim BEST teist long kainkain kuk

TELE Apdeit

19 toea wan MB data ret i on yet wantaim Telikom PNG

INDIPENDENS ofa bilong Telikom PNG long 19 toea of-pik data ret bairon yet inap long pinis bilong yia, bikos i gat gupela bekim long ol kastoma.


Ekting Sif Komesal Opisa bilong Telikom, Kone Kula, i tokaut olsem skruim bilong dispela 19 toea of-pik pripeid data sevis we i save ron long 7 kilok nait inap 7 kilok moning, i bin kirap long Septemba 6, 2012.

“Mipela bai go het wantaim dispela of-pik ofa ret bilong 19 toea long wan megabait daunlod inap long pinis bilong yia. Stendat ret bilong 29 toea long wan megabait bai on yet long 7 kilok moning i go inap 7 kilok nait. Na dispela tu, em i wanpela gupela ret yet bilong ol intanet yusa bilong mipela,” Mista Kula i tok.

Mista Kula i tok daunim bilong intanet ret bai karamapim olgeta Telikom pripeid data prodak olsem EVDO modem, Citifon, ADSL na WiMAX brodben.

Yusim bilong ol intanet sevis nau em i bikipela moa long ol hauslain long kantri we ol sosol netwok sait olsem Facebook em i bikipela namel long ol yangpela, na pasin bilong yusim email i larim ol wokmanmeri long pinisim gut ol wok bilong opis.

Olsem na dispela daunim of-pik ret bai gupela nius bilong ol Telikom intanet yusa husat i save amamas wantaim intanet spid we i spid moa long ADSL na WiMAX.



Call 147
Customer Care on 245 4747

Ol papagraun i agensim si bet maining

Veronica Hatutasi i raitim

OL papagraun long ol nambis provins i no laikim tru maining i kamap aninit long solwara na ol i laikim gavman i mas stopim dispela wok long ino go het.

Long dispela wik Tunde, ol lain i makim ol komyuniti na Sivil Sosaiti Ogenaisesen long Madang, Nu Ailan, Is Nu Briten, Milen Be na sumatin bilong Yunivesiti bilong Naturel Risos long Vudal i bin prisenim wanpela petisen i gat 24,000 signetsa i agensim sibet maining o maining aninit long solwara, i go long Gavana bilong Oro, Gary Juffa, long givim i go long nesenel gavman.

Peter Tutuai i makim ol pipel bilong Is Nu Briten Provins na tok pipel bilong em i agensim tru na tok nogat long sibet maining bikos em bai kamapim bikipela bagarap, skelim wantaim gupela samting em inap kisim i kam insait.

“Mipela i bungim planti naturel disasta pinis na mipela i no redi long bungim sampela moa we ol wok long si bet maining bai kamapim long maunten paia zon.

“Is Nu Briten i wanpela agrikalsa provins na em i promotim dispela long sapotim ikonomi bilong em . Taim ol namba wan treda i kamap long Is Nu Briten 250 yia i go pinis, ol bin kisim kokonas na kakau, na agrikalsa i givim wok long ol pipel long provins.

“Tude, mipela ol pipel long Is Nu Briten i no lukim olsem si bet maining bai kamapim wanpela gupela samting.

“Olsem mi makim pipel bilong mi long tok nogat long si bet maining i kamap long ol wara bilong mipela , na sapotim Mista Juffa long kisim stet na Nautilus Maining kampani em wanpela maining kampani bilong kantri Kanada, i go long kot.

“Mi laik luksave long ol lain na grup husat i tokaut olsem ol i agensim si bet maining. Em long sinia stetsman, Se Ronald Tovue, Se Henry To Robert, Se Paulias Matane, sampela politisen olsem Malakai Tabar, Dokta Allan Marat, Gavana Ereman Tobaining, Konpren bilong Katolik Bisops long Is Nu Britenol sios olsem Katolik, Yunaitet na Seven De Edventis,” Mista Tutuai i tok.

Olgen Schulze em i wanpela yangpela man bilong Nu Ailan wokim wankain tok.

“Mi makim ol komyuniti long Nu Ailan na askim long stopim dispela projek bikos mipela i no save wanem samting maining aninit long solwara bai kamapim.

“Ol komyuniti bilong mipela i save kisim kaikai na mani bilong ol long solwara. Graun i wok lon sot bikos mak bilong populesen i go bikipela na solwara tasol nau i stap olsem samting we ol lain i kam bihain bai kisim gupela samting long en sapos ol narapela samting i feil,” Mista Schulze i tok.

Nenisa lbak i bin makim ol meri na yut bilong Karkar Lutheran Sios na tok pipel bilong em i tok nogat na nogat long si bet maining long solwara bilong ol.

“Mipela i no laikim tru dispela maining projek bai kamap long solwara bilong mipela.

“Mipela nau i bung wantaim ol narapela pipel bilong PNG na tok nogat tru long dispela maining projek. Nogat, nogst na nogat olgeta. Dispela projek i mas stop,” Mis lbak i tok.

Mis lbak i bin kisim 9,200 signetsa long Madang i kam long Mosbi we ol bin putim wantaim na go long 24,000 mak na givim i go long Gavana Juffa long givim gavman long en.

Em i tok Nautilus na gavman i no bin toktok long 20,000 pipel bilong Nu Ailan na givim tok orait long si bet maining long go het.

Em i tok tu olsem stat yet long yia 2010 taim Nautilus i statim ol wok eksplouresen, pipel i lukim ol pis i dai nating na tu, singautim sak i no wok bikos ol sak i no kam taim ol i singautim ol.

Gavana Juffa i tok em i makim 7 milian pipel bilong dispela kantri na ol pikinini na bubu i kam long bihain taim long go agensim dispela si bet maining.

Em i tok PNG i no inap bungim hevi sapos dispela aninit long solwari maining i stop bikos projek ya i no inap givim gupela samting long pipel.

Em bin tok agrilaksa na iko forestri na ol main i stap pinis inap kamapim inap mani bilong helpim wantaim ol wok developmen na mani long dispela kantri.

Juffa askim nogat gupela bekim

OL BEKIM bilong Gavana bilong Oro, Gary Juffa, long watpo gavman i oraitim PNG sitisensip bilong wanpela man Indonesia husat i gat asua long kantri bilong em yet, i no kisim gupela askim.

Bipo Foren Afes Minista Ano Pala, i bin askim watpo palamen i orait long bagarapim nem bilong wanpela man o sitisen bilong PNG yet, na tok dispela man i gat olgeta rait, wankain olsem ol arapela manmeri long PNG.

Long Trinde, Juffa i askim gen Atoni Jeneral Kerenga Kua long tok klia long dispela man, tasol Mista Kua i bekim na tok olsem i nogat as long askim long dispela, sapos em yet (Juffa) i no bihainim olgeta rot bilong painimaut moa o long askim olsem wanpela man bilong PNG yet.

Mista Juffa i wok long strong yet long gavman na palamen i mas painimaut moa long dispela man Indonesia, na rot em i kisim PNG sitisensip bilong en.

Moa long 1 milian manmeri stap long taun

“LONG 1966, samting olsem 100,000 manmeri tasol i stap sindaun long ol taun na siti bilong yumi. Tude, mipela i gat moa long wan milian manmeri i stap sindaun long ol taun na siti, na dispela namba i wok long groa long mak bilong 4.5 pesen olgeta yia,” Minista bilong Hausing

na Ebenaisesen, Paul Isikiel i tok.

Mista Isikiel i mekim ol dispela tok tok long kamap bilong Ebenaisesen Forum i kamap dispela wik long Mosbi.

Em i tok wantaim dispela wan milian manmeri i stap sindaun long taun na siti, i gat bikipela hevi i wok

kamap, we ol taun na siti i wok sot long pawa, na ol arapela sevis olsem skul na haus sik i pulap kapsait, loa na oda i wok long sot long strong, kaikai sekyuriti i no inap, na trenspot na hevi bilong nogat wok i go bikipela tumas.

Narapela bikipela hevi i stap long

ol 5 milian manmeri i sindaun long ples, husat i ken muv i go long ol taun na siti long laik bilong ol.

Dispela, em i tok, bai mekim ol setelmen i groa bikipela moa, na givim moa hevi long ol sevis bilong taun na siti.

Lukim Komentri katun - p13

Stretim rot hariap long Prins Charles i kam...



WOK HARIAP: Taim i kam klostu nau long bihain King bilong yumi Prins Charles na meri bilong em bai kam, ol wokman bilong rot i wok hat long pinisim wok hariap. Dispela ol rot tu i pas na trefik jem long ol rot long siti i mekim ol draiva kisim taim. *Poto Nicky Bernard*

Lera strongim Agrikalsa long Bogenvil

Aloysius Laukai i raitim

RIJENAL memba bilong Bogenvil, Sif Joe Lera, laikim 300 tausen pipel bilong Bogenvil mas gat mani long poket bilong ol bipo long wanem kain maining laik kamap long Bogenvil.

Em tok tru, em luksave olsem i gat nid long raisim mani bilong Atonomes Bogenvil gavman, em ting Bogenvil i mas painim narapela rot long kamapim dispela mani.

Mista Lera, i mekim dispela toktok long awenes kempen bilong em Saut na Sentral Bogenvil long wiken i go pinis.

Em tok sapos maining i stat ol man i gat save tasol bai kisim wok, na olgeta Bogenvil yut bai mis aut long wok.

Rijenal memba tok sapos wok bilong Agrikalsa kamap, olgeta manmeri bai gat wok maski ol i no skul na kisim bikpela pepa.

Em tok long namba 100 de bilong em long opis em laik lukim olsem ol teknikol skul mas kamap long Bogenvil.

Mista Lera bai raun yet long olgeta hap long Bogenvil na Atolls ailan long mekim anwenes kempen bilong em bipo long pinis bilong dispela yia.



Koiari Haus i stail moa yet

Dispela liklik piksa haus i soim we ol Koiari save stap long em bipo long taim bilong ol tumbuna. Sampela bilong ol dispela kain haus i stap yet long sampela hap long Koiari ples. Dispela liklik piksa haus ol mekim na karim kam long taim ragbi tim bilong ol i pilai long gren fainol long wiken i go pinis. Ol i winim gren painol.

Koiari pawa. *Poto: Nicky Bernard*

PM salim bikpela Toksore long leit Se Donatus Mola

PRAIM Minista Peter O’Neil i toksore i go long ol famili na pren bilong leit Se Donatus Mola, long dai bilong em long wiken.

Long toksore i go long leit Se Donatus, long kontribusen bilong em i kam long kirapim kantri. Mista O’Neil tok kantri i lusim wanpela man husat i mekim bikpela wok bipo lopng Indipenden.

“Mipela salut long hat wok long leit Se Donatus i mekim namel long papa bilong kantri olsem Se Michael Somnare, Se


John Guise, Se Albert Maorikiki, Se Barry Holloway, Se Peter Lus na Se Julius Chan long pusim long kisim indipenden bilong Papua Niugini.

Em kondribut long kainkain rot, olsem potetisen na olsem tru Papua Niugini man. Long makim maus bilong gavman na ol pipel bilong Papua Niugini. Mi tenkyu long ol famili na ol pipel long Bogenvil long dispela gutpela man husat i givim bikpela helpim long kantri na Bogenvil.” Mista O’Neil i tok.

Mista O’Neil tok tu olsem ol sevis bilong em long Bogenvil na PNG bai go inbsait long istri buk bilong dispela kantri.

Se Donatus i lusim laip bilong em long wiken long haus bilong em long Haria, Lemankoa long Not Bogenvil long sik asma atek.

Em i gat 12-pela pikinini na 42- tumbuna bilong em. Pikinini man bilong Glen Mola em wanpela long top Papua Niugini dokta bilong ol meri.



Wanem kopret responsibiliti bilong Esso Highlands Limited long taim mipela i kirapim bisnis long Papua Niugini? Oltaim mipela i save kisim salens long bekim dispela askim.

Igat kainkain tingting long dispela askim. Mipela yet i gat kainkain stekholda olsem ol lokal komyuniti, ol woka na kontrakta, ol lain i givim dinau, ol saplaia bilong guds na sevis, aid ejensi, ol lain i kamapim polisi na ol politikal lida na ol save lain. Ol i laik Esso Highlands, operetta bilong PNG LNG Projek i kamapim kainkain samting, olsem na pasin bilong skelim gut wok na serim sosel risponsibiliti i kamapim bikpela salens. Mipela i no gavman, na mipela i was gut long lukim olsem mipela i no mekim wok bilong gavman.

I gat bilip olsem PNG LNG Projek bai kamapim planti mani bilong gavman long bihain taim na ol sitisen bilong Papua Niugini bai lukim mani long royalti, ol levi, takis na winmani. Long ol wok i kamap nau, na bipo long mani i kamap long dispela Projek, mipela i kamapim pinis bikpela wok long ol pablik infrastraksa, na skruim save bilong pipel long taim mipela i kisim ol long wok na givim trening, divelpmen bilong ol lokal bisnis na kamapim kainkain rot bilong bringim developmen long komyuniti.

Dispela lo bilong Oil and Gas Act i toktok long serim ol benefit i kamap long ol oil na ges projek. Bikos PNG LNG Projek i karamapim moa long wanpela petroleum laisens, mipela i kamapim tu-step proses long karamapim wok bilong serim ol benefit.

Mipela i kamapim wanpela agrimen ol kolim Umbrella Benefits Sharing Agreement (UBSA) wantaim Gavman long serim namel long ol laisens, ol foapela Provinsal na nainpela Lokal Level Gavman. Nambatu step i lukim olsem i mas gat wan wan forum bilong wan wan laisens we ol i ken skelim tingting long tenpela Licence Benefit Sharing Agreement (LBSA). Esso Highlands i no stap insait long wanpela bilong ol dispela agrimen. Ol toktok insait long agrimen i soim wanem samting gavman na ol lendona bai mekim. Dispela ol agrimen i kamap bihain long planti tausen pipel i tok orait long olsem wanem ol bai kirapim benefit sering frem wok bilong ol long tude na long bihain taim.

Long Esso Highlands Limited, mipela i luksave olsem wanem komitmen mipela i mekim aninit long lo bilong Oil and Gas Act na ol arapela Projek agrimen, em bikpela samting. Mipela laik kamapim na skruim sosel laisens bilong mipela long mekim ol wok we i luksave long gutpela wokbung wantaim ol komyuniti we mipela i wok.

Mipela i strongim wok bilong patnasip, wok bung; i no long pasin bilong givim nating fri mani.

Mipela i toktok wantaim ol lokal komyuniti long wanem ol samting ol i laik kamapim na mipela i painim rot bilong wok bung wantaim na kirapim wok.

Mipela i bihainim dispela rot long olgeta hap we Projek i wok, tasol laik bilong ol komyuniti i narakain liklik long ol Apstrim hap bilong Projek long Kikori i go long Komona Hides na ol LNG Plent viles.

Klostu long Pot Mosbi we mipela i sanapim LNG Plent, konstraksen wok i givim bikpela sans na ol salens tu long foapela lokal komyuniti. Moa long 2,400 wokmanmeri i kam long ol lokal viles long Papa, Lealea, Boera na Porebada i wok long kisim gutpela pe na lainim nupela skil long taim ol i mekim bikpela wok bilong konstraksen long PNG Plent. Planti mani i go long han bilong ol komyuniti long pe bilong o lwoka.

Dispela i opim rot bilong helpim sindaun tasol em i kamapim tu planti salens long laip bilong pipel. Esso Highlands i toktok wantaim ol komyuniti lida long helpim ol woka na famili bilong ol long lukautim gut mani bilong ol na i givim sans tu long ol i kisim trening long Enterprise Development Training Centre long kamapim bisnis na kisim save bilong helpim sindaun bilong ol.

Kirapim bisnis na pasin bilong kisim save long kamapim gutpela sindaun em i wanpela eria we mipela i investim ol risos long en. Ol komyunti memba i stap insait long ol trening kos we i karamapim sefti, besik bisnis, fes aid, helt na sanap long strong bilong ol yet.

Ol lokal komyuniti grup husat i kirapim ol kain samting olsem i bin kisim helpim; eksampel, mipela i givimaut ol dram aven we i helpim ol meri long Boera long skruim moa bisnis bilong kukim kaikai, sanapim wanpela nupela pis maket long Lealea we i helpim dispela bisnis, na planim ol mangro diwai long Papa wantaim sapot bilong UPNG long helpim ol pis i kamapim nupela pikinini pis.

Ol lokal komyuniti tu i kisim gutpela helpim long komyuniti infrastraksa projek. Bungim wantaim save bilong PNG LNG Projek long wok konstraksen wantaim ol volantia long ol lokal komyuniti, ol i mekim ol kain projek olsem senisim bris long Lealea, sanapim Porebada patapata (bet we ol komyuniti i sindaun na miting), stretim gut Boera Medikal Klinik na sanapim haus bilong wokman, na ekstensen long Salvation Army Klinik long ples Papa, bai givim gutpela helpim long ol komyuniti inap planti yia bihain.

Pasin bilong mipela long karimaut kopret sosel risponsibiliti em long lukim olsem ol pipel i no mas hangamap long Projek long helpim ol oltaim, mipela i lukluk long wokbung wantaim long helpim komyuniti i sanap long strong bilong ol yet. Mipela i laik hanmak bilong mipela em o Istrongpela komyuniti, wantaim kampani, komyuniti, gavman na ol arapela stekholda i wok bung long kamapim moa gutpela samting.

Olsem mipela i save tok, mipela i welkam long wanem bekim yu gat long dispela kolum. Bai mipela traim long bekim olgeta askim, olsem na plis salim email i kam long pnglngproject@exxonmobil.com.

Gutpela de long yu.

Madang taun bagarap – taun menesa i tok

MADANG taun i no moa luk olsem bipo we em naispela ples we ol i save kolim 'beautiful Madang'.

Taun i go bagarap stret na planti rabis pipia na ol samt-ing i bruk bruk na i no moa stap long gutpela kondisen.

Ekting Madang taun menesa, Titus Futrepa i mekim dispela toktok taim em i salim wanpela notis i go long ol bikpela institusen na ol bisnis haus insait long Madang taun long olgeta lain i mas wok bung-wantaim long stretim na lukautim taun.

Mista Futrepa i bin salim notis i go long olgeta bisnis haus, edukesen institusen,

gavman dipatmen na statutori bodi, non-gavman oge-naisesen, sios na ol pablik long Madang taun.

Em i askim olsem olgeta lain husat i stap long Madang taun i mas wok strong na wok bung wantaim long stretim gen na bringim bek gutpela kalsa na pes bilong Madang taun.

Mista Futrepa i tok olsem Madang Eben Lokal Level Gavman i gat wok bilong en long stretim na lukautim ol pilai graun, ol flaua gaden, ol bas-stop, ol ples bilong waswas arere long nambis, rausim pipia long ol bisnis haus na tu ol publik eria.

Em i tok Madang em wanpela ples we planti ovasis turis i save go stap long en na raun lukim ol ples na baim ol bilas long karim i go long ples bilong ol olsem ol kaving, bilum, na ol narapela hendi kraf o bilas.

Mista Futrepa i askim olgeta lain insait long Madang taun long wok bung na helpim long klinim wan wan eria bilong ol.

Em i tok nau yet MULLG i askim olgeta lain long harim tok long klinim fran eria bilong ol na baksait na tu lukautim eria bilong ol na mekim em stap klin oltaim na nogat larim ol gras i go

longpela.

Mista Futrepa i tok tu olsem wok mentenens long ol han rot em wok bilong ol wan wan lain long mekim long sapotim na mekim ples i luk nais.

Em i tok em wok bilong MULLG long putim ai long ol lo bilong pablik helt na tu long luksave olsem ol eria bilong ol bisnis haus, institusen na ol skul i stap klin oltaim.

Mista Futrepa i tok MULLG i nidim helpim bilong ol pipel insait long Madang taun na tu ol bisnis haus long mekim taun i klin oltaim na bringim bek naispela nem bilong Madang.

Sampela moa nupela LLG bai kamap - Kas

GAVANA bilong Madang, Jim Kas i strong yet olsem sampela moa nupela lokal level gavman (LLG) bai kamap insait long Madang provins long lukim gavman sevises i go daun long ol rurel ples na hauslain long provins.

Moa long en tu, Mista Kas i tok bai kamapim sampela moa LLG insait long Madang provins na larim pawa na wok bilong bringim sevises i go daun long ol komyuniti na wod level.

Mista Kas em bilong Simbai insait long Midel-Ramu distrik bilong Madang provins na em i sanap strong long lukim developmen i go insait long rurel eria.

Insait long wanpela radio tok-bek program wantaim NBC Redio Madang, Mista Kas i tok olsem insait long Madang provins nau yet i gat spes long sampela moa LLG i kamap long ol rurel distrik.

Em i tokaut olsem i gat spes long seven-pela nupela LLG long Madang provins na ol ples we dispela ol LLG i ken kamap em long Karkar, insait long Sumkar distrik, Raikos, Usino-Bundi na Midel-Ramu

Em i tok taim em i wok olsem risets ofisa wantaim Madang provinsal edministresen, em i lukim kamap bilong tripela nupela LLG, wanpela long Raikos, wanpela long Usino-Bundi na narapela long Midel Ramu.

Wanpela long ol dispela nupela LLG we i bin kamap em Kowon LLG we ol Hagahai pipel we ol i painim ol long 1985 tasol i stap insait long en.

Mista Kas i tok em i gat plen long mekim Long ailan na Bagabag Ailan i kamap olsem wanpela LLG. Dispela i ken lukim moa sevis na luksave i go long ol dispela tupela ples, husat nau yet i no save kisim planti sevis tumas.

Em i tok narapela ples we em i laikim olsem nupela LLG mas kamap long hap em Wanuma. Dispela ples nau yet i gat boda wantaim tripela distrik long provins em long Madang, Sumkar na Midel Ramu, na planti sevis i no save go long turangu ol pipel bilong dispela ples. Olsem na Jim Kas i luksave long dispela na bai strong long kamapim LLG bilong Wanuma yet.

Sekyuriti hevi long maket stap long olgeta hap – Toni

MINISTA bilong Rilijen, Yut na Komyuniti Developmen, Loujaya Toni i tok, hevi long sekuriti long ol maket sela i save bungim long ol kriminal lain i stap long olgeta maket long PNG, na i no long Pot Mosbi siti tasol.

Minista Toni i tok klia long dispela bihainim ol ripot long hevi i kamap long wanpela

maket long Mosbi.

Em i tok hevi long ol man nogut i bagarapim ol gutpela manmeri long ol bikpela maket ples, em i wankain tu long Lae siti.

Dispela hevi em i wanpela long ol hevi Misis Toni i bin tok long stretim nau em i kamap memba bilong Lae siti pinis.



BAGARAP: Strit rot long Nabasa long Madang i bagarap tru na nogat wok kamap long stretim.

RAUN LONG ANGLIKEA: Asbisop Dokta Rowan Williams i toktok wantaim ol lain long Anglikea Drop In Senta Poto: Nicky Bernard



AMAMAS
KILIM OL: OL
dispela manki
Aua, em wan-
pela liklik ailan
long Westen
Manus, i ama-
mas long
waswas na
pilai long sol-
wara.
Poto: Sandra
Amuru



BOANA: Ol Luteran meri bilong Boana Distrik long Morobe Provins bai kisim narapela meri kon-
prens long 2014 i kisim ol presen na henova
tekova palang. Poto: Paulus Tali

Ol i soping pinis na Ol i WIN!

Moa long
K500,000
long ol
prais long
winim!

**OLGETA I
KEN WIN!**

Moa long 14,000 wina long Nambawan wik!

Mista SEBASTIAN MIRINU
K200 Kesmani wina
City Pharmacy Lae

Mista KIM MONDO
K200 Kesmani wina
City Pharmacy North Waigani

Mista PIO MOSES
Mobail Fon wina
Stop N Shop Badili

Mista ANNA BIBAESI
K200 Kesmani wina
Stop N Shop Badili

Mista TAWAI ATANI
K200 Kesmani wina
Stop N Shop Badili

Mis GRACE TARP
K200 Kesmani wina
Mitre Hardware Mt Hagen

Mista AUAN LENIO
K200 Kesmani wina
Stop N Shop Rainbow

Mista SALANIET LAMUSAN
K200 Kesmani wina
Hardware Haus Kavieng

Mista KORI TOUA
Mobail Fon wina
City Pharmacy Town

Mista VICTOR HANN
K200 Kesmani wina
City Pharmacy Town

Yu tu, i ken winim ol dispela!

- Kisim Scratch & Win Kad long olgeta K100 soping yu mekim (long wanwan risit) long ol City Pharmacy, Stop N Shop, Hardware Haus na Homemaker stoa.
- Promosen bai ron inap Disemba 31, 2012.

Komyuniti long Karkar i tok nogat



NOGAT LONG SIBET MAINING: Nenisa Ibak i makim maus bilong ol yut, meri na komyuniti bilong Karkar Luteran Sios.
Poto: Nicky Bernard

Veronica Hatutasi i raitim

BIKPELA tok agensim i wok long kamap long sibat maining long PNG o maining aninit long solwara we kampani bilong Kanada, Nautilus Minerals, i laik wokim.

Insait long las 10-pela mun, planti asples lain na ol Non Gavman Ogenaisesen na Sivil Sosaiti Ogenaisesen (CSO) i autim no wanbel bilong ol na singaut long gavman long stopim diispela sibat maining i noken go het.

Long dispela wik Tunde, sampela Sivil Sosaiti Ogenaisesen (CSO), ol sumatin na ol lain i makim ol komyuniti long ol nambis provins i bin prisanim petisen pepa i gat nem bilong 24,000 pipel long ol komyuniti long Nu Ailan, Is Nu Briten, Milen Be na Madang i go long Gavana bilong Oro, Gary Juffa, long givim i go long nesenel gavman long lukluk long em na mekim samting.

Wanpela meri Madang i bin stap wantaim ol lain i givim petisen long Gavana Juffa na em bin mekim sampela toktok agensim sibat maining long makim ol yut, ol mama na meri long Karkar Ailan Luteran Sios.

Nenisa Ibak em nem bilong dispela mausmeri. Em i wok olsem yut insait long Makud Ministri wantaim Luteran Sios long Karkar Ailan.

"Mipela nau i bung wantaim olgeta narapela pipel bilong PNG na tok nogat tru long dispela maining projek.

"Nogat, nogat na nogat olgeta. Dispela projek i mas stop.

"Mipela i no laikim tru dispela maining projek bai kamap long solwara bilong mipela.

"Mipela ol pipel bilong God i gat wok long lukautim laip na blesing God i givim long yumi.

"Mi bringim nek bilong 9,200 pipel bilong Karkar Ailan, Mis Ibak i tok.



GRUP POTO: Grup i gat long em Ann e Noe bilong Beljam, Jacqueline Shipanga bilong Namibia, Bety Wong bilong HongKong, Elizabeth Loisel (Tim Lida) bilong Frans, Frederica Siwin-Sakete bilong PNG na Andora Rodebaugh bilong Meksiko. Ol i sanap ausait long 4 Seasons Hotel ol bin stap long en, bihain long welkam dina. **Poto: Frederica Siwin-Sakete**



TUPELA POROMAN: Frederica wantaim poromeri bilong em HongKong, Betty Wong ausait long hotel long Lankaran siti. **Poto: Frederica Siwin-Sakete**



Yut, Meri na Famili wantaim Lorraine Siraba

Monitaim ol piksa nogut long Fesbuk

OL PNG atoriti i mas hariap long glasim na mekim samting long pasin bilong tilim, kisim na lukim ol piksa nogut na ol narapela nogut samting long sosel netwok, Fesbuk.

Ol yangpela pipel long PNG i wok long kisim nating na tilim i go long wanpela narapela ol piksa nogut, ol piksa long ol as nating manmeri na ol kain olsem aninit long nus bilong ol loman.

Samting bilong wari long dispela em, ol lain i yusim Fesbuk i serim ol piksa na em i fri long salim i go aut long moa poroman wantaim nogat wari samting olsem samting ol i wokim i stretpela o nogat. Ol i hariap long salim taim ol poroman i klikim "like button".

Taim ol narapela kantri long wol i wok long strongim intanet sekyuriti bilong ol, PNG i no mekim wanpela samting yet long sait bilong (cyber) saiba bilding na ol narapela eria bilong yusim intanet long en.

pipel i kisim intanet long ol mobail fon, i gat bikipela sans long ol yangpela pipel i yusim nogut intanet. Stat yet long taim intanet na ol sosel netwok na ol mobail fon (olsem ol liklik kompyuta)i kam insait long dispela kantri, yumi wok long lukim bikipela senis long rot we "modern technology" o ol nupela masin bilong salim toktok i go na i kam long wanpela narapela i wok.

Ol redio na TV i isi long kontrolim na i gat rot we ol atoriti i ken glasim na putim tambu long sampela ol progrem na ol piksa ol i lukim i no gutpela long ol pikinini. Nau yumi stap long kain taim we ol lain i save kamapim midia onlain i kamapim moa ol samting.

I mas gat edukesen awenes long kamap ol gutpela dijital manmeri long helpim ol pikinini i stap seif onlain.

Dijital midia i kamap pinis na bai stap long senisim ol laip, pasin na komyunikesen na em i bikipela samting ol papamama i eduketim ol yet long rot we ol pikinini bilong ol i wok long yusim intanet na monitaim ol pes we ol i wok long lukim long en.

Ol telekomyunikesen kampani, ol ejensi i lukautim loa na ol stekholda i mas bung na toktok long mekim samting i kamap. Gavman na indastri i mas mekim samting long lukaitim ol pikinin i na ol yangpela pipel long ol nogut samting.

Long dispela taim, ol famili i no save long kisim helpim long wanem hap sapos ol i laik putim tambu o banis long ol pesenel kompyuta, ol mobail fon o ol gem ol i save kisim long intanet long en. Yumi noken wet inap hevi i kamap na traim long stretim. Yumi mas mekim samting nau.

Taim yumi no mekim samting long stretim samting i no stret, yumi no helpim, tasol yumi wok long kontribuit long samting i no stret long nupela jeneresen bilong yumi.

Frederica i kamap hap bilong Wol FIFA ...Kam bek long Azerbaijan

Veronica Hatutasi i raitim

MUN OGAS na Septemba long dispela yia i bin wanpela taim bilong wanpela meri i gat nem long pilai soka long PNG na nau, long bikipela bodi i lukautim pilai soka long wol, em Federeesen ov Intanesenal Futbol Asosiesen o FIFA.

Frederica Siwin –Sakete em dispela meri husat i wok long go kam long wanpela hap bilong graun i go long narapela na wankain tu long PNG yet.

Frederica em i wanpela meri kosa (coach) bilong ol Anda 17 meri tim long PNG, tasol pastaim em i kamap kosa, em bin wanpela nesenel representativ soka pilaia long PNG.

Long mun Ogas, Frederika i bin stap tupela wik long Japan long stap insait long wanpela woksop bilong ol Esia Futbol Konfederesen bilong ol meri soka kosa na tu, em bin stap long lukluk long pilai bilong meri Anda 20 Wol i bin kamap long Japan long dispela taim.

Na taim em i kam bek long Japan, Frederica i bin go long Lae long sindaun long wanpela wik kos bilong ol soka kosa we FIFSA na OFC i ronim.

Na long las mun, бага meri ya i go olgeta long kantri Azerbaijan, wanpela kantri i stap namel long Rasia na Iran.N a em bin stap long hap long tripela wik.

Freddie i bin go long Azerbaijan olsem hap bilong FIFA Teknikel stadi grup long glasim na skelim Anda 17 Wimens Wol

Kap Soka i wok long pilai long hap.

Frederika nau i kamap olsem wanpela meri PNG husat i go antap long top level bilong pilai soka long wanem, em i stap nau wantaim FIFA long teknikel tim bilong em.

Sapos mi rait, Frederica em i wanpela tasol long PNG husat nau i go antap long FIFA level. Na long dispela level, FIFA bai singautim em taim samting i kamap long wanem hap bilong wol, na ol i laikim em i stap insait long grup.

Long Azerbaijan, ol pilai bilong Wol Anda 17 Wimens Soka i bin kamap long ol stadium long kapitel siti bilong kantri, Baku, na ol narapela siti tu. Ol tim i bin stap long dispela wol Anda 17 Wimens soka resis i bin kam long olgeta hap bilong wol olsem Nu Silan, Japan, Saina, Korea, Brasil, Ghana, Nigeria, Frans, Amerika, Gambia, Uruguay, Kolombia, Jemani na Azerbaijan. Ol bin putim ol tim long 4-pela kantri pul (pool).

Frederica i bin stap long grup i glasim ol pilai long Baku na long Lankaran, narapela siti i stap 4-pela awa kar draiv long Baku.

Teknikel tim we Frederika i bin stap long en i gat 7-pela meri na wanpela man. Ol i kam long Beljam (Belgium), HongKong, Namibia, Frans, Meksiko, Itali, Jemani na PNG.

Long tripela wik, FIFA delegeesen i bin slip long fes klas Four Seasons Hotel long Baku.

"Wok bilong mipela em long glasim na skelim ol pilai. Na ol bin putim mipela long tim na

salim mipela i go aut long ol stadium o ples we pilai i kamap long en.

"Mipela i glasim ol pilai long ol dispela eria:

Rot we ol i pilaim gem long en we mipela i mas lukluk long tim fomesen, senis long tektikel sait.

Skelim stail bilong ateking na difensiv sait

Pikim bes pilai na gol kipa long tim

DVD momen we FIFA i yusim olsem hap bilong futbol developmen na

Skelim ol grup mets o ol pilai.

"Taim ol i wok long pilai, mipela i mas kisim na raitim ol ripot i stap. Ol kompyuta na leptom i stap we mipela i yusim long en.

"Bihain long gem i pinis, mipela i mas raitim ful ripot na givim.

"Mi bin glasim na skelim na wokim ripot bilong 3-pela pilai long Lankaran Stadium. Em long Frans i pilai agensim Amerika, Azerbaijan i pilai agensim Nigeria na Jemani agensim Uraquay.

"Mi bin wok wantaim ol lain i gat bikipela ekspirians na ol top FIFA lain na mi ken tok olsem mi nupela "kid on the block!".

"Mi amamas olsem ol dispela biklain i bin helpim mi gut long wanem, em i namba wan taim bilong mi long mekim dispela wok, tasol mi lainim planti samting long ol FIFA instrakta na kosa husat i gat bikipela ekspirians. Na ol i save tisa long ol bikipela Spots Akedemi na ol Elit skul na ol yunivesiti," Frederica i tok.

Em i tok ol pipel bilong Azer-

baijan em ol gutpela lain husat i gat gutpela pasin long luksave long ol narapela. Ples em i naispela na klin, na kantri i gat strongpela agrikalsa beis na tu, ol i gat wel (oil). Na ol i wanpela ris kantri.

Frederica i tok ol pipel long hap i no save lukim ol blek na braun skin lain. Na taim em na narapela pren bilong em bilong Hongkong i bin go long mekim wok long Lankaran, ol pipel i bin lukluk strong long ol na askim ol kwesten wanem kantri ol i kam long en.

Tokples tu i narapela hevi bikos planti lain i no save long Tok Inglis.

Maski Azerbaijan em i wanpela Muslim kantri, Frederica i tok ol meri i no haitim het na gras bilong ol wantaim veil, nogat.

"Maski ol i bilon glotu Islam, ol meri na ol gels i save putim ol klos olsem ol lain yangpela bilong ol narapela hap bilong ol,"Frederica i tok.

"Long ol taim mipela i kisim fri taim, mi wantaim wanwok gel-pren i save kisim trein na go visit raun long siti.

"Tasol mi bin amamas long go long dispela wok na stap long FIFA Teknikel Stadi Grup na lainim planti samting na tu, lukim ol nupela ples we mi no bin dri-man olsem bai mi lukim insait long laip bilong mi.

"Mi tok tenkyu long sapot mi kisim long ol boslain bilong mi long Wod Pablisng kampani, famili na PNG Futbol Asosiesen (PNGFA) na mi kamap long dispela mak na level long pilai soka," Frederica i tok.

Ol siti i no helpim ol pikinini, UNICEF i tok

EBENAISESEN O stap insait long taun o siti i lusim planti milian pikinini long ol siti na taun long wol i no kisim ol vital o ol bikipela sevis, UNICEF i wokim tok lukaut insait long ripot bilong ol pikinini ol i kolim long "The State of the World's Children 2012: Children in an Urban World.

Ripot i tok bai moa pipel i kam yet long ol siti na taun, na planti pikinini bai groa ap long ol taunna i no long ol ruel eria. Mak long 60 pesen i go antap long

populesen long ol siti na taim em ol pikinini we mama we ol mama i karim long ol taun na siti.

"Taim yumi tingting long turangu pasin, yumi lukim piksa long pikinini long ruel eria, tasol tude, planti pikinini long ol setelmen i stap long bikipela hevi moa. Ol no nap long kisim ol gutpela sevis na olsem, ol i no inap go hetim gut laip bilong ol," Eksekutiv dairekta bilong UNICEF, Anthony Lake, i tok.

"Lusim tingting long ol dispela pikinini long ol setelmen i stopim

ol long kisim gutpela skul na save na kontribuit long sosaiti na kantri long ol gutpela save manmeri," Lake i tok.

Ol siti i gat ol skul i givim sans long ol pikinini i go skul, tasol long wankain tu, ol i no givim sans long planti pikinini long gutpela helt na edukesen sevis.

Groa bilong populesen i bikipela moa na i winim ol infrastaksa olsem ol rot, bris, ples balus na ol narapela samting olsem, na dispela i kamapim hevi long sevis ol pikinini inap

long kisim.

Ol turangu famili i peim moa long ol samting olsem wara long ol praivet lain i salim wara. Kos i ken 50 toea moa na dispela i antap moa long ol haus long siti we i gat wara i konek long pait sistem.

Taim ol stetistiks o ripot long ebenaisesen i putim olgeta pipel i stap long siti wantaim, ol ris na turangu wantaim, ripot i bilong olgeta wantaim. Na nids bilong ol lain olsem ol turangu na ol pikinini.

Gutpela Nius: I no Planti pikinini bai dai long Misels

Pot Mosbi, 15 Oktoba 2012 – NESENEL Dipatment bilong Helt i kamapim Saplimentri Imunaisesen Ektiviti (SIA) long Epril na Me dispela yia i kamapim wok painimaut na makim 88-pesen bilong ol pikinini i gat sik misel i daun moa long 552,872 i bin kisim banis sut bilong misels.

Dispela wok kempen i bin kamap long 1.2 milien ol meri na mama long krismas 15 i go 45. Long yia 2012 Misels SIA i wok bung wantaim Tetanus Toksoid na sampela wok EPI wantaim. Dispela i olsem olgeta

wok sut i kamap wantaim Vitamen A na Alben-dazole marasin.

86 toea tasol long wanwan pikinini i stap long SIA long dispela yia, na wok bung long olgeta imunaisesen wok. Dispela SIA wok i kam ananit long sapot bilong Ausaid, World Helt oganaisesen na UNICEF wantaim ol arapela patna insait long sivel sosaiti.

Dipatmen tu bai kamapim sampela ol matenol na pikinini helt wok long dispela mun Oktoba i go long mun Novemba long strongim wok imunaisesen bilong ol pikinini na ol yangpela

meri na ol mama wantaim na sampela ol arapela wok.

Olsem ol arapela kantri, PNG tu i soim we long strongim investmen bilong yumi, yumi mas lukautim ol pikinini bilong yumi stap orait na kamapim wok.

Dispela wok imunaisesen i bin kamap pinis long taim bipo olsem na yumi wok long daunim planti hevi bilong sik misel i kamap long kantri bilong yumi. Nau Papua Niugini i daunim planti dai bilong misels long 98-pesen insait long las twenti yia.

Kamapim wanbel pasin long pasim pait long skul

Stori na poto: **Ps. Max Gendi long Lae**

Pasin bilong pait namel long ol sumatin yet em wanpela bikipela hevi long ol sekenderi skuls istap long Lae. Ol skul edministresin, BOG, Provinsol Edukesen Bod, perens, kominiti na polis iles pinis long dispela kain kros pait.

Wanpela skul ibin igo het long stretim dispela hevi na ol sumatin bilong en iken istap wanbel na skul gut em Immanuel Lutheran Skul long Mala-hang rot. Long Trinde (17.10.12.) skul i holim wanpela bikipela sere-moni long makim wanbel bilong olgeta sumatin

long lusim pasin bilong kros pait na fokal long edukesen tasol. Dispela ibihainim wanpela pait ikamap long namel long ol sumatin yet. Bihain tasol ol yet tokaut olsem dispela kain pasin em afektim staid na skul bi-long ol.

Igat moa long 400 sumatin na lain manmeri bin istap long witesim dispela rikonsiliesen o wanbel seremoni long skul.

Ol sumatin itok sori igo ikam na bihainim pasin Melanesia tru ol kisim presen samtin na senis igo ikam. Na bihain olgeta husait istap long ser-emoni sindaun na kaikai wantaim long soim tru

pasin lusim rong bilong narapela na arapela na wanbel tru tru.

Nau yet Bod of Gavena na tu PEB memba, mista Duaro Embi itokim ol sumatin olsem ol mekim rait disisen na kamapim wanbel long gutpela laif na sindaun bilong ol yet.

Em tok sumatin pait em bikipela hevi na distebim edukesen bilong olgeta sumatin na em bikipela konsen bilong olgeta lain long Lae.

Em tokim ol sumatin, “Mi igat bikipela hamamas yupela yet iluksave na mekim kamap wanbel pasin. Immanuel skul em givim yu edukesen bai yu i gat gutpela sindaun bi-hain.”



WANBEL:Tupela sumatin i sainim Wanbel Triti pepa makim tupela grup sumatin long ai bilong Hetmasta Mr. Ruben Bamere na BOG Siaman, Mr. Ben Anonga na long ai bilong olgeta lain.

Kase i amamas long aweanes bilong Brian Bell

HELT Sekreteri Pas-coe Kase i amamas tru long Brian Bell teknikol sevis divisen long putim aut wanpela posta we i soim wei long pasim sik Kus.

Mista Kase i raun i go raun nating long Brian Bell teknikol sevis divisen long Gogens las wik na lukim long bulletin bod bilong ol, wanpela kala posta bilong ol i stap long namel bilong dispela bod i soim we bilong pasim dispela sik influensa.

Em i tok dispela kain pasin we ol bisnis haus i promotim gutpela pasin bilong helt i gutpela tru, na i go pas long halivim ol wokmanmeri insait long save long we bilong gutpela helt long wok ples na ol kastoma bilong ol.



Hia em piksa i soim dispela posta insait long Brian Bell teknikol sevis divisen. *Poto: Enio Kuble, Helt Promosen*



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
 PNG K220.00, Australia/New Zealand US\$110.00, Asia/Pacific US\$150.00
 Rest of the World US\$210.00

NCD HOME DELIVERY
 80t per copy or K65.00 for two or more copies. Office pickup K52.00 per year for a copy.

Please send me.....copy/copies of WANTOK for one year.

I enclose Kina/USD..... as full payment.

Name.....
 Postal Address.....
 City.....
 State/Province.....(abbreviation)
 Country..... Zip/Postal Code.....
 Street Address.....
 Telephone..... Fax.....
 Email.....
 Signed..... Date.....

Address: Subscriptions
 Word Publishing Company Ltd
 PO BOX 1982
 Boroko, NCD 111
 Papua New Guinea

Attn: **Luke MEK** (Circulation & Distribution)

Wol Misin Sande 2012 glasim PNG

Pater Elias Ariyako SVD i raitim

WOL Misin kempen bilong kantri Jemani long dispela yia, 2012, i glasim PNG.

Olsem na long dispela taim, 9-pela pipel bilong PNG i gat long em tupela asbisop, tupela bisop, tupela pater na tripela Sister i stap nau long Jemani na i wok long go long ol peris na toktok long ol Katoliki Sios long PNG na ol wok we sios i mekim long en.

Long pinis bilong mun September 30, wanpela misa lotu i bin kamap long Asdaiosis bilong Paderborn long Gemeni, long opim Wol Misin Kempen.

Asbisop Becker i bin go pas long misa lotu Ol pipel bilong Paderborn i bin welkamim ol invaitet ges bilong PNG i gat long en Asbisop John Ribat, Asbisop Karl Hesse, Bisop Gilles Kote, Sister Teckla Gamog, Sister Anna Damas, Sister Lorna Jenal, Sister Hubertine Babe, Pater John Wilio na Pater Elias Aiyako.

Haus lotu i bin pulap long ol pipel i kam long ol wan wan kalsa na kantri. Gutpela nek bilong ol yut i stap insait long katitrel kwaia na singsing i bin go gut na mekim ol kongriksen long strongim prea na glasim het tok bilong misin kempen: "Tok bilong yu em i lait long rot bilong mi (Ps 119:105).

Asdaiosis bilong Paderborn i gat spesel koneksen na patnasip progrem wantaim sios long PNG na moa yet, wantaim Asdaiosis bilong Rabaul. Asbisop bilong Rabaul, Karl Hesse i bilong Paderborn na ol pipel long hap i lukim olsem wanpela bikman bilong ol.

Selebresen i bin go het bihain long misa lotu. Ol bin gat ol misin potu na ol posta long PNG, Indonesia, India, Saina na Brazil we ol i putim aut long olgeta i lukim. Tu, i bin gat ol fan resing wok we ol bin salim ol samting i kam long ol misin kantri.

Ol bin intevyuvim ol ges i bin go long hap long PNG, na ol i givim wan wan bilong

ol ol long ansaim wanpela kwesten, na ol i traim bes long givim bekim bilong ol.

Bihain long opening seremoni, ol bin go long mein misin opis long Aashem we Presiden bilong Missio, Dokta Klaus Kramer i bin welkamim ol na ol lain i tanim toktok wantaim sotpela toktok.

Long de namba tu long Aachem, Asbisop bilong Pot Mosbi Asdaiosis i bin go pas long misa lotu long sapel we i bin pulap tru wantaim ol woklain, ol ges, ol lain bilong tanim toktok bilong ol wan wan daiosis. Asbisop Karl Hesse i bin givim wanpela gutpela toktok long tokples Gemeni long ol stori bilong PNG long PNG stail.

Bihain long dispela, ol bin



PNG GRUP LONG MISIN: Hia em ol PNG ges na ol trensleta lain long Wol Misin Kempen 2012 i redi long go aut na karimaut kempen long Jemani. *Poto: Fr Elias Ariyako*

salim ol PNG ges long ol wanwan daiosis long Jemani long sea na lainim.

Olsem komyuniti i lainim, pre na mekim ol samitng wantaim, sios long Jemani i luksave long koneksen bilong em wantaim PNG na em bai fandim ol projek n a ol pastoral progrem long sampela daiosis insait long PNG.

Wol Misin Kempen 2012 i fokus long PNG na pipel i amamas long harim ol stori long wok

bilong sios hia, na ol i serim ol stori bilong ol tu wantaim mipela.

Bikpela as tingting long dispela kempen em long serim wok na ol salens bilong sios insait long dispela kantri.

Plantu pipel i laik save long long rot we sios long PNG i wok long mekim samting long stretim ol hevi long sait bilong jenda ikwaliti, humen rait, envaironmen isu, ol sik, humen trefiking na nogat wok.

Tatana Yunaited Sios kisim K1 mil-ian helpimmani

Veronica Hatutasi i raitim

TATANA Yunaitet Sios klostu tasol long Mosbi siti i ken karimaut ol sosel, spiritual na ol narapela progrem bilong helpim ol yut, ol meri na komyuniti.

Dispela bai kamap bihainim K100,000 we Helt na HIV/AIDS minista na memba bilong Mosbi Notwes, Michael Malabag i givim long sios long las wik Fonde.

Taim Mista Malabag i givim K100,000 sekmani i go long han bilong Siaman bilong sios, Heni Madaha, em (Malabag) i tok "pipel i bin putim ol palamen memba long kamap ol politisen, na ol i mas go bek na lukim ol. Na ol risos i mas go bek long ol."

Mista Malabag i tok em i luksave long singaut bilong ol bikman bilong Yunaitet Sios long Tatana long go long ples bilong ol na givim helpim long sios wok bilong ol.

Em bin tok ol sios long dispela kantri i mekim bikpela wok na i moabeta long givim luksave na sapot long ol long skruim gutpela wok ol i bin mekim.

Em bin tok i gat planti samting ol i ken stretim taim ol lokol palamen memba ken wok wantaim long edresim ol sosel hevi i wok long kamap insait long komyuniti, sosait na kantri.

PNG LNG Projek i stap klostu long liklik Tatana ailan ples bilong ol, na Mista Malabag i bin tok ol pipel long yusim dispela sans long mekim mani na helpim ol yet.

Tasol em bin tokim ol sios memba husat i bin bung long sios hal olsem aninit long sios, ol i ken karimaut ol autris progrem, loa na oda, ol yut na meri progrem.



Kingdom bilong God

WANPELA misinari bilong Amerika i bin wokim wok misin long kantri Saina. Long yia 1940, Gavman bilong Saina i bin rausim em bikos Saina em i Komunis kantri na ol i no laik bai Katolik Sios kamap long hap.

Misinari i bin lusim Saina tasol em i no go stret long Amerika. Pastaim em i go long kantri India. Taim em i wetim sip bai karim em i go bek long Amerika, em i raun raun lukim ples bilong kantri India.

Wanpela de em i kamap long wanpela nambis we em i bin bungim wanpela refugi grup bilong Juda manmeri. Ol i stap long wanpela kem. Bihain long ol i lusim kantri bilong ol taim Hitler i bin kilim planti bilong ol long Gemeni. i luk olsem nogat wanpela lain i wokim wok long lukautim na helpim ol.

Long taim misinari i bungim ol, em i klostu long Krismas. Ol Judaman i nogat samting long selebretim Krismas. Misineri i pilim bikpela sori long ol. Olsem na em i salim tiket bilong sip bilong em i go bek long Amerika. Wantaim mani bilong tiket, em i baim sampela kek (cake) na givim long ol Judaman long selebretim Krismas. Bihain em i raitim na salim pas i go long supiria long Amerika, askim mani bai em i yusim long baim tiket i go bek long Amerika.

Taim em i kamap long Amerika, supiria i tok bilas long em, "Bilong wanem yu baim kek na givim ol Judaman long selebretim Krismas? Ol Judaman i no bilip long Jisas!"

Misinari i bekim tok bilong Supiria bilong em, "Ol i no bilip long Jisas, tasol mi bilip. Bilip bilong mi go long Jisas mi bin soim long mekim wok bilong helpim ol Judaman i bin bungim hevi. Long wokim wok bilong helpim ol, mi helpim mekim Kingdom bilong God i kamap ples klia". Supiria i nogat tok moa.

Olgeta taim yumi prea Papa Bilong Mipela, yumi askim God "Mekim Kingdom bilong yu i kam". Wanem mining bilong Kingdom Bilong God?

Jisas i laikim bai gat wanpela taim, olgeta manmeri i soim laik pasin bilong ol, long helpim narapela narapela, pogivim narapela na sapotim narapela manmeri taim ol i bungim hevi na wari. Kingdom Bilong God i nogat banis bilong en.

Kingdom bilong God i no bilong wanpela etnik grup tasol o wanpela riligen, kalsa o wanpela politikel grup tasol. Kingdom Bilong God em i wanpela ples we olgeta manmeri i kamap wan na pilim olsem memba na hap bilong bikpela yunien bikos Lord i stap namel long yumi.

Olsem Kristen manmeri, yumi gat wanpela krangki luksave long mining bilong Kingdom Bilong God. Yumi tingim Kingdom bilong God em i bilong ol Kristen manmeri tasol. Em i no tru ! Bikos Kingdom bilong God em i bikpela moa na i karamapim olgeta manmeri i gat gutpela tingting.

Olsem Kristen manmeri, yumi mas kamapim Kingdom Blong God olsem Jisas i tokim yumi long wokim. Yumi i mas developim na soim rispek bilong yumi i go long narapela manmeri. Maski wari long wanem hap ol i kam long en o wanem rilijen o lotu ol i gat na wanem kalsa bilong ol.

Long dispela we tasol, yumi bai kamapim Kingdom Bilong God long dispel kantri bilong yumi, PNG. Sapos wan wan lotu i tingim long ol yet, maski planti taim ol i go lotu o givim skul na kisim skul, ol i no kamapim yet Kingdom Bilong God. Bikos i gat mi pasin/selfish i stap strong yet.



VACANCY ANNOUNCEMENTS

The United Nations Development Programme (UNDP) PNG Country office in Partnership with the Department of National Planning & Monitoring is seeking to recruit qualified and experienced PNG nationals for the post of National Project Manager for the Community-led Development Project.

Female candidates are encouraged to apply.

1. Post / Level: National Project Manager, Community-led Development Pilot Project – SB4 (SC9)

Qualifications: Masters degree with at least 2 years or Bachelor degree with at least 4 years experience in social works, community development, agronomy or related field; Significant experience working with development agencies, CSOs, local communities, and local government leaders on socio-economic development activities with excellent understanding of sustainable human development and the Millennium Development Goals; Demonstrated ability to successfully conduct research and manage projects in rural and remote location with minimum supervision; Must have quantitative research and data management experience.

Application deadline: 26 October 2012

Access Link: http://jobs.undp.org/cj_view_job.cfm?our_job_id=32711

Detailed information can be obtained online using the above links. Interested/qualified candidates should submit their application online by uploading updated CV and copies of academic qualifications.

Only short-listed candidates will be contacted for interviews.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

SI praim minista senisim ministri bilang en

GAVMAN bilong Solomon Ailans i makim nupela gavman minista long kisim ples bilong tupela MP em i rausim long wiken i go pinis.

Ripot i kam long Honiara i tok Connelly Sandakabatu i kisim ples bilong Snyder Rini olsem Minista bilong Dvelopmen na Eid Kodinesen.

Bradley Tovosia nau i kisim ples bilong Moffat Fugui olsem Minista bilong Envairomen.

Deputi Praim Minista Manasseh Maelanga i tok dispela ol senis i hap bilong Kabinet wok, tasol ol ripot i tok gavman i wok long pulim ol sapota bilong en wantaim pastasim long wanpela vout no laikim gavman.

Ofani Eremae, edita bilong Solomon Star, i tok gavman i traim best bilong en long tokaut watpo na ol i senisim ol wok minista.

Senis tu i lukim bipo Minista bilong Polis na Nesenel Sekyuriti, David Tome, i holim nupela wok olsem minista bilong agrikalsa.

Christopher Laore i kisim nau Minista bilong Polis na Nesenel Sekyuriti, na Stanley Sofu i kamap nupela Minista bilong Pablik Sevis.

Manus klaimet kanu kamap long Solomon Ailans

CLIMATE Challenger Voyage, em Australia gavman i sapotim wantaim wok-bung bilong Nature Conservancy, i kamap long Solomon Ailans kapitel long Mande dispela wik, bihain long em i lusim Pere ailan long Manus provins, long Septemba 5.

Kepten bilong kanu, Climate Challenger Voyage, Manuai Matawai, na kru bilong en i bin kamap long Honiara long Mande, bihain long ol i lusim Manus long Septemba 5, na kisim ol i go long Kavieng, Lihir, Nissan ailan long Bogenvil, na kamap long Solomon Ailans.

Long hap solwara bilong Solomons, ol i bin stat long Choisel provins, we ol i bin bungim ol vilis pipel na lidaman meri na gavman opisal, long dispela bikipela toktok bilong luksave long ol senis i wok long kamap long laip long klaimet senis.

Manuai Matawai i tok olgeta kru memba i orait, ol i sef, na amamas olsem ol i ken stop sampela taim long Honiara.

Matawi i tok bikipela tingting bilong dispela wokabaut, em long luksave, skulim, na lainim ol arapela ol senis klaimet senis i kamapim.

Manus gavana i sanap strong long asailam sika senta bilang Australia

GAVANA bilong Manus provins i sanap strong long PNG na Australia gavman i



Namba 3 paitim tok bilong strongim nem

NOMINI bilong Ripabliken Pati bilong kamap Presiden, Mitt Romney (lephan) i harim toktok bilong Presiden Barack Obama long ai bilong man i stiaim paitim tok bilong tupela, Bob Schieffer long namba tri presiden dibet long Boca Raton, long Florida long Mande dispela wik. Tupela man i resis long holim wok bilong Presiden bilong Yunaitet Stets ov Amerika.

mas harim tok bilong ol Manus pipel long asailam sika senta.

Gavana bilong Manus provins i tok, gavman bilong Australia na Papua Niugini i mas lukluk gut long ol samting we pipel bilong en i askim, pastaim long ol asailam sika bilong Australia i kamap long Manus Ailan.

Manus Gavana Charlie Benjamin i tok, bai em i hat tru long toktok long ol askim bilong ol Manus pipel bihain long ol asailam sika i kamap pinis long ailan.

Australia i go het nau long bildim gen dispela senta long Manus bilong prosesim sampela handret asailam sika we bai klostu i go nau long Manus ailan.

Foren Minista Rimbink Pato i tok ol dispela toktok i kamap long wanem pipel i no klia tumas long sampela samting long tok-tok namel tupela gavman bilong PNG na Australia.

Tasol Mista Benjamin i laik long ol pipel long ples i klia gupela long en, na i kisim benefit long provaidim sampela sevis long asailum sika senta.

Pasifik na Filipins i selebretim nupela santu

OL Katolik komyuniti insait long Filipins na Guam i stap wantaim ol arapela komyuniti raun long wol long selebretim sevenpela nupela santu, em Pop Benedict XVI i bin makim.

Pop i makim Pedro Calungsod, Marianna Cope, na faivpela arapela

nupela santu long St Peter's Basilica long Rom, long makim 'strong' bilong ol.

Dispela bikipela luksave bilong Pedro Calungsod olsem santu i bin bungim bikipela amamas bung insait long kantri, em ma mi karim em, Filipins, na long Guam, ples we em i bin dai long yia 1672.

Pedro, i bin 17 yia krismas taim ol i kilim em long Guam we em i bin go long hap wantaim wanpela Jesuit pater long baptisim wanpela yangpela meri.

Long Filipins, planti tausen pipel i bin stap insait long wanpela mas na prea long makim kenonaisesen bilong en, Presiden Benigno Aquino i bin tokaut long mekim Sande wanpela nesenel de amamas.

Insait long Guam, lokol midia i ripot long planti handret pipel i bin holim wanpela misa long Tumon we ol i bin harim long Sios lida long stori bilong Calungsod.

Narapela, em long kenonaisesen bilong naintin sensari Fransisken sister, Marianne Cope olsem "patron saint of outcasts".

Dispela tu i bungim bikipela amamas long Pasifik.

Pop Benedict i kolim Mother Marianne wanpela 'shining model' bilong olgeta Katolik raun long wol long wok bilong en long sik leprosi insait long Hawaii.

Sycaruse Sister bilong St Francis long Nu Yok, Joselle Orlando i tok dispela luksave bilong Katolik Sios i wanpela bikipela de bilong Pasifik.

"Long save olsem insait long laip taim bilong mi, Katolik Sios i mekim em santu, em i bikipela samting mipela i amamas

long en," em i bin tok. "Tasol long olgeta husat i bin bungim taim nogut, dispela em i wanpela gupela de."

Kot i no givim beil long sinia opisa bilang Vanuatu praim minista

WANPELA sinia opisa bilong Vanuatu gavman, em ol i sutim tok long stilim \$4.5 milian dola long takis, kot i no bin givim em beil long ol i ting, em inap long kisim balus long lusim kantri.

Australia Federal Polis (AFP) i bin holim kalabus Clarence Lawry Marae long mun Epril, bihain long ol i sutim tok long em long traim yusim ol trik pasin long kisim mani bilong Komonwel bilong Australia.

Kalabus bilong Marae long Epril i bin kamapim bikipela kros namel long Australia na Vanuatu long we AFP i bin tritim Praim Minista Sato Kilman, husat i bin wok wantaim em.

Ol loya bilong Marae i askim beil insait long Brisben Majistrets Kot long Fraide, tasol kot i tok Marae i ken stap wantaim wanpela fren long Brisben long wet kot.

Tasol kot i tok em i nogat wanpela samting long mekim insait long Australia. Em i gat famili na wok long Vanuatu, olsem na ol i sakim beil askim bilong ol loya bilong en.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Australia nevi redi long makim 100 yia

WANPELA Nevi Seahawk helikopta i plai antap long Sydney Haba long Mande dispela wik bihainim toksave olsem Royal Australia Nevi (RAN) bai bungim samting olsem 60 woasip bilong en long Sydney Haba. Dis-pela em bilong makim namba wan taim olgeta sip bilong RAN i bin bung long Sidni, long Oktoba 4, 1913.

WOL NIUS LONG POTO...



Ol meri stap

OL misis bilong tupela US presiden kendidet, em Mitt Romney na presiden nau, Barack Obama i kisim ol man bi-long ol bihain long tupela i pinisim laspela paitim tok bilong tupela long traim winim vot bilong ol manmeri long Florida na Amerika bai ol i wok presiden bilong kantri.

Ronawe long paia

WANPELA trakta i ronawe long bikipela buspaia i kamap long Thargomindah, long Saut-Wes bilong Kwinslen. Long taim bilong drai, buspaia em i namba wan bikipela birua long Australia.




Sapot i stap yet

US Presiden Barack Obama i bungim ol sapota long wanpela kempen rali long Delray Beach Tennis Klab long Tunde dispela wik long Florida, Amerika.



Ol Muslim bilipmanmeri bung long Mecca

OL Muslim bilip manmeri i mekim apinun prea bilong ol long Gren Mosk insait long holi siti bilong Mecca, Saudi Arabia, long Oktoba 22. Moa long 2 milian Muslim manmeri long olgeta hap bilong wol i save brum i go long dispela siti aninit long Hajj pilgrim wokabaut i save kamap olgeta yia. Dispela wokabaut em i wanpela long ol faipela pos bilong lotu Islam. Dispela yia, 2012 Hajj i kirap long Oktoba 24.



Fidel i stap yet

LIDA bilong Cuba revolusen, Fidel Castro i autim dispela poto las wik Fraide i soim em i sindaun long wanpela fil. Em i autim dispela poto long daunim ol tokwin olsem em i klostu dai nau. Castro i bin bungim bikipela sik, na planti tokwin i raun. Olsem na em i autim dispela poto long soim olsem em i no dai yet.

RADIO AUSTRALIA TOK PISIN PROGRAM
HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Spots
7.30PM Nius na Karen Afeas
8PM Helt
8.15PM Musik
8.30PM NIUS
8.40PM Spots Riplei
8.55PM Musik
9PM Stesen Pas

TUNDE - *Morning - Nait*
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

TRINDE - *Morning - Nait*
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

FONDE - *Morning - Nait*
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

FRAIDE - *Morning - Nait*
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE - *Nait*
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

SANDE - *Nait*
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Radio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas



Simbu strongim yet 5-ki String ben

FAIV KI string ben i wok long
pinis liklik long sampela hap in-
sait long kantri bilong yumi
Papua Niugini, na stail bilong
wait man nau i wok long kisim
ples.

Tasol ol ples lain long Simbu i

wok long holim yet dispela faiv ki
string ben stap yet, ol lain bilong
bipo i lainim ol yangpela na ol
yangpela i holim strong dispela
string bens tail bilong faiv ki.

Dispela faiv-ki stail em planti manmeri bilong bipo save laik harim na lukim tu ol string ben bilong bipo, planti string ben, ol save pikim ol string bilong gita na krai bilong em save kam gut tru.

Ol ples lain long Simbu i kam
raun long Mosbi na pilai long
sampela hap insait long siti long
helpim kisim liklik mani long
salim tim Simbu go pilai long
Rabaul long PNG Gems.

String ben bilong Simbu i gat
liklik stail stap long en, yu bai ting
olsem ol Buka o Madang tasol
save pilai mambu nogat, ol
Simbu tu save na dispela i stailim

tru string ben bilong ol.

Planti bilong ol Simbu save
long danis bilong string ben bi-
long ol, taim ol pilai bai bodi bi-
long yu bai muv nating.

Faiv-kl string ben nau yumi i no
moa harim tumas tu long ol redio
stesen bilong yumi, ating provin-
sal redio stesen tasol save pilaim
long kisim tingting bilong man-
meri bilong ples.

EMTV Television Guide

FONDE 25 OKTOBA, 2012		FRAIDE 26 OKTOBA, 2012		SARARE 27 OKTOBA, 2012		SANDE 28 OKTOBA, 2012	
5:57 AM	G STATION OPEN	5:57 AM	G STATION OPEN	5:57 AM	G AUSTRALIA NETWORK	5:57 AM	G STATION OPEN
5:00 AM	G <u>JOYCE MEYER</u>	5:00 AM	G <u>JOYCE MEYER</u>	6:00 AM	G <u>EMTV NEWS REPLAY</u>	6:00 AM	G <u>EMTV NEWS REPLAY</u>
5:30 AM	G <u>EMTV NEWS REPLAY</u>	5:30 AM	G <u>EMTV NEWS REPLAY</u>	6:30 AM	G <u>EMTV NEWS REPLAY</u>	6:30 AM	G <u>EMTV NEWS REPLAY</u>
6:30 AM	G <u>TODAY</u>	6:30 AM	G <u>TODAY</u>	7:00 AM	G <u>HILLSONG</u>	7:00 AM	G <u>HILLSONG</u>
9:00 AM	G <u>CLASSROOM BROADCAST</u>	9:00 AM	G <u>CLASSROOM BROADCAST</u>				
9:00 — 9:40	GRADE 7 MATHEMATICS	9:00 AM	G <u>CLASSROOM BROADCAST</u>				
9:50 — 10:30	GRADE 7 SCIENCE	9:00 — 9:40	GRADE 7 MATHEMATICS				
10:40 — 11:15	GRADE 8 MATHEMATICS	9:50 — 10:30	GRADE 7 SCIENCE				
11:20 — 12:00	GRADE 8 SCIENCE						
1 PM — 3 PM	G <u>C/B-CASTS</u> continues.....						
1:00 — 1:40	GRADE 6 MATHEMATICS						
1:50 — 2:30	GRADE 6 SCIENCE						
2:30 — 3:00	DEPI						
3:00 PM	G <u>KIDS KONA</u>						
3:00 PM	DORA THE EXPLORER						
3:30 PM	NEW MACDONALD'S FARM						
4:00 PM	THE SHAK						
4:30 PM	KITCHEN WHIZ						
5:00 PM	G <u>FUNNIEST HOME VIDEO SHOW</u>						

TORO



BIABIA



KANAGE



TOKWIN

Godens maket stori i tru o nogat?

Dispela wik yumi
harim olsem wanpela
mama ol i bagarapim
em long Godens maket
we i kirapim bikpela
toktok stret i tru o
nogat.

Nau yet Suprintendent bilong Polis long Midia i mekim wanpela bikpela toktok long dispela asua i kamap

long Godens maket i no
tru. Bikos em i no kisim
wanpela polis ripot long
dispela asua i kamap.

Em i kirap na tok
husat i witesim dispela
asua i kamap long Go-
dens maket mas kam na
mekim ripot o dispela
mama na wantok bilong
em mas kam na mekim
ripot.

Nau yet em i no lukim
wanpela ripot na salim
toksave long olgeta
midia long tokaut husta

tru dispela ripota i mekim dispela stori long National pepa kirapim bikpela wari, pret na kros i kamap long pablik we i daunim polis dipatmen long ol i no mekim wok bilong ol. Dispela stori tu i kamap long ovasis pepa we i daunim yumi ol Papua Niugini long pasin bilong yumi olsem ol kanak na olsem ol pik na dok.

Tokwin Tasol...

A	T	R	H	F	H	G	T	M	Z	F	S	I	A	S	C	A
H	J	L	L	S	H	V	A	C	V	U	E	A				
K	S	E	S	L	A	L	K	I	W	L	F	L	L	J	L	L
I	T	F	F	E	G	S	F	L	V	F	S	A	A		M	I
	A	L	K	H	J	K		C	A	U	H			K	S	L
S	S	C	U	L			C	S	K	E	C	C	L	I	J	C
	C	F	M	L	H			J	F	C	S	F	A	N	I	S
A	T	S	C	J	S		W	A	T	C	F	A	T	F	F	A
L	I	S	L	J	A		M	A	S	C		L		L	L	K
I	T	H	S	H	M	I	K	S	H	E	F	H	S	T	A	C
S	S	L	H	S	S	S	C	E	H	E	F	E	H	O	E	C
S	J	D	K	D	C	V	I	K	A	E		I		J	I	S
S	S	E	C	H	H	I	L	C	S	F	L	S	S	N	L	S
I	K	S	A	K	L	K	K	V	D	S	S	A		A	A	S
T	S		C	F	S	A	T	I	S	F	F	H	T		F	M
N	S	E	A				J	A	H	D	A	L		S	S	A
J	L		I	L	U	S	I	K	A	H	S	S	I	S	S	S

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LA IP JAKET	EA HOSTES	PAILOT	SUTKES

2		4	9	6		1		5
	3			8				
	8	1				4	9	
7			1	4			3	9
		3		9		2		
9	6			3	2			1
	2	7				3	6	
				7			1	
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

**Ansa
bilang
las wik
Sudoku**

**Ansa
bilang
las wik
Pasol**

EMTV Television Guide

MANDE 22 OKTOBA, 2012	5:00 PM G FUNNIEST HOME VIDEO SHOW	9:00 – 9:40 GRADE 7 MATHEMATICS	G EMTV NEWS REPLAY	3:00PM BACKYARDIGANS
4:57 AM G STATION OPEN	5:30 PM G STORMWORLD EP#20	9:50 – 10:30 GRADE 7 SCIENCE	11:00 PM G AUSTRALIA NETWORK	3:30PM NEW MACDONALD'S FARM
5:00 AM G JOYCE MEYER	5:57 PM G CRIME STOPPERS	10:40 – 11:15 GRADE 8 MATHEMATICS		4:00PM THE SHAK
5:30 AM G EMTV NEWS REPLAY	6:00 PM G EMTV NATIONAL NEWS	11:20 – 12:00 GRADE 8 SCIENCE	TRINDE 24 OKTOBA, 2012	4:30PM MR. MAKER
6:00 AM G TODAY	7:00 PM PGR ONCE UPON A TIME #13	1PM – 3PM G C/B-CASTS continues.....		5:00 PM G FUNNIEST HOME VIDEO SHOW
9:00 AM G CLASSROOM BROADCAST	8:00 PM PGR ONCE UPON A TIME #14	1:00 – 1:40 GRADE 6 MATHEMATICS	5:57 AM G STATION OPEN	5:30 PM G STORMWORLD Ep #22
9:00 – 9:40 GRADE 7 MATHEMATICS	9:00 PM G TOK PIKSA	1:50 – 2:30 GRADE 6 SCIENCE	5:00 AM G JOYCE MEYER	5:57 PM G CRIME STOPPERS
9:50 – 10:30 GRADE 7 SCIENCE	9:30 PM G SPORTS SCENE	2:30 – 3:00 DEPI	5:30 AM EMTV NEWS REPLAY	6:00 PM G EMTV NATIONAL NEWS
10:40 – 11:15 GRADE 8 MATHEMATICS	9:57 PM G EMTV TOKSAVE	3:00 PM G KIDS KONA	6:30 AM G TODAY	7:00 PM PGR FACT FILES #4
11:20 – 12:00 GRADE 8 SCIENCE	10:00 PM G EMTV NEWS REPLAY	3:00 PM BACKYARDIGANS	9:00 AM G CLASSROOM BROADCAST	8:00 PM PGR DANGEROUS DRIVERS SCL
1PM – 3PM G C/B-CASTS continues.....	11:00 PM AUSTRALIA NETWORK	3:30PM NEW MACDONALD'S FARM	9:00 – 9:40 GRADE 7 MATHEMATICS	9:00 PM G EMTV NEWS REPLAY
1:00 – 1:40 GRADE 6 MATHEMATICS		4:00PM THE SHAK	9:50 – 10:30 GRADE 7 SCIENCE	10:00 PM G AUSTRALIA NETWORK
1:50 – 2:30 GRADE 6 SCIENCE	TUNDE 23 OKTOBA, 2012	4:30PM KITCHEN WHIZ	10:40 – 11:15 GRADE 8 MATHEMATICS	
2:30 – 3:00 DEPI		5:00 PM G FUNNIEST HOME VIDEO SHOW	11:20 – 12:00 GRADE 8 SCIENCE	
3:00 PM G KIDS KONA	5:57 AM G STATION OPEN	5:30 PM G STORMWORLD EP#21	1PM – 3PM G C/B-CASTS continues.....	
3:00 PM BACKYARDIGANS	5:00 AM G JOYCE MEYER	6:00 PM G EMTV NATIONAL NEWS	1:00 – 1:40 GRADE 6 MATHEMATICS	
3:30PM NEW MACDONALD'S FARM	5:30 AM G EMTV NEWS REPLAY	7:00 PM G HAUS & HOME #37	1:50 – 2:30 GRADE 6 SCIENCE	
4:00PM THE SHAK	6:30 AM G TODAY	7:30 PM PGR U/ GUINNESS BK OF RECDS	2:30 – 3:00 DEPI	
4:30PM KITCHEN WHIZ	9:00 AM G CLASSROOM BROADCAST	8:00 PM G BUSINESS PNG EP#22	3:00 PM G KIDS KONA	
		8:30 PM PGR TERRA NOVA#12/13		

O! Proqram na Kilok i
ken senis oltaim...

Ol Program na Kilok i ken senis oltaim...



NEM: Berthlyn Huaffe
KRISMAS: 16(Meri)
ADRES: Passam Primary School, P.O. Box 521, Wewak East Sepik Provins
SAVE LAIKIM: Harim musik, pilai soka, pilai volibol mekim pani, kisim wara, watsim TV na ritim Baibel.

NEM: Jimmy N. Nimms
KRISMAS: 19 (man)
ADRES: Kilipau village, P. O. Box 56, Vanimo Sandaun Provins
SAVE LAIKIM: Raitim pas, ritim buk, harim musik, ring long fon na senisim presen.

NEM: Rodney Wauku
KRISMAS: 25 (man)
ADRES: C/- Andrew Api Vanimo CIS, PO Box 124, Vanimo Sandaun Provins
SAVE LAIKIM: Harim musik, pilai soka, watsim TV, swimming na painim stori.

NEM: Jason Sull
KRISMAS: 40 (Man)
ADRES: P.O. Box 248, Madang – Madang Provins
SAVE LAIKIM: Ritim Niuspepa, harim musik, kukim kaikai, wasim klos, wokabout, trevol go kam long bisnis insait long PNG na painim poromeri long stap wantaim oltaim.
Yu ken ring long dispela namba, 7272 2843.

NEM: Jimmy Ekoda
KRISMAS: 20 (man)
ADRES: Sangara Vocational School, P O Box 170, Popondetta, Oro Provins
SAVE LAIKIM: Go lotu, pilai soka, pilai volibal, painim wanpela meri long maritim na stap wantaim oltaim.

NEM: Joe .K
KRISMAS: 24 (man)
ADRES: P O Box 1289, Goroka, EHP – 7360 3650
SAVE LAIKIM: Go lotu, pilai musik singim song, pilai spots, mekim pren na planti moa.

NEM: Gima Target
KRISMAS: 20 (meri)
ADRES: Bugandi Secondary School, PO Box 1225, Lae Morobe Provins
SAVE LAIKIM: Go lotu, ridim Baibel, mekim pren wantaim ol lotu manmeri, pilai ragbi,volibol and watsim TV(News).

NEM: Presley Tai
KRISMAS: 20 (Man)
ADRES: PO Box 28, Mondomil Minj, Jiwaka Provins
SAVE LAIKIM: Go lotu, ritim Baibel, ritim buk, stadi skul wok, pilai ragbi, harim musik na mekim poroman wantaim arapela.

NEM: Belany Haikope
KRISMAS: 19
ADRES: Don Bosco Araimiri Secondary, PO Box 159, Kerema Gulf Provins
SAVE LAIKIM: Ritim buks, pilai gems, go lotu long Sande, mekim pani wantaim poroman.

NEM: Bunau Dadis
KRISMAS:31 (man)
ADRES: Raibus Security Service Ltd, PO Box 1337, Madang, Madang Provins – 7146 7257
SAVE LAIKIM: Go danis, Lukim TV, harim musik na painim gutpela poromeri long stap wantaim oltaim.

penprenkanagelaipain

Raun wantaim Kanage olgeta wik

Maunten paia

Maunten paia long Manam na wesan i pundaun long olgeta hap. Planti tru i pundaun long gras kantri long Angoram distrik.

Olgeta sak sak kanu i pulap long wesan. Monin tru ol meri long ples ol i bung na stori long wanem samting i kamap.

Taim Kanage i harim olsem em i tokim meri bilong em. Em nau ples nogut bilong ol sin man i paia pinis long hel. Nau yumi lukim das bilong ol bun bilong ol i kam long yumi.

Dai man i pundaun kam daun na wasim yumi.

Bai yumi i no inap dai moa na tu bai nogat las de moa. Bai yumi stap long ples long de taim tasol na wetim ol man i dai tasol na wetim ol man i dai bipo bai tromoi tin pis na rais kamdaun long yumi olsem dispela wesan i pundaun nau ya.

Longpela bet

Kanage slip antap long longpela bet insait long haus.

Wanpela nait bihain long lait i of, ol haus lain i harim bikipela nois pairap long flo bilong haus.

Na olgeta i rong i go long lukim wanem samting i mekim bikipela nois stret.

Taim ol i lukluk ol i lukim Kanage i sanap isi long flo na taim Kanage i lukim ol em i hariap tru long painim ki bilong kabot bilong em.

Samting tru em, em i pundaun long flo na mekim bikipela nois.

Carl Lenua Samban base.

Hompiri Primary Morobe provins.

Banana

Wanpela yangpela mangi wok long mekim kaikai sopin bilong en long maket. Kanage tu i bin i stap salim banana bilong en i stap na mangi i go na askim Kanage. "Hamas long banana bilong yu?"

Kanage em slip stap na em i no save olsem mangi i askim wanem samting stret.

Mangi i askim gen tasol Kanage i no mekim wanpela bekim.

Mangi i laikim banana bilong Kanage na em laik baim na em i singaut antap stret long Kanage na Kanage kirap nogut tru na tok, "AAAAAAAA.....amas"

Ebyn Seseru

Win stori bilong gutpela rol modol

Dia Laipain
MI GAT wanpela rol modol o man o meri i soim gutpela pasin long laip mi ken bihainim. Na dispela rol modol bilong mi i bin lusim skul long Gret 6 planti yia i go pinis long wanpela longwe praimer skul long wanpela provins long dispela kantri.

Dispela man i no bin laik bai ol i kolim em long wanpela Gret 6 dropout husat i no inap long kamap wanpela gutpela man mekim wanpela gutpela samting long laip bilong em. Olsem na Laipain, dispela man i bin lusim ples bilong em na go stap long taun na painim wanem samting em i laikim long en.

Em go long taun na stap wantaim wanpela famili we i bin lukautim em. Taim em i stap wantaim ol, em i no stap nating, nogat. Em i stat long bungim ol sof dring botol na ken ol man i dring pinis na tromoim long en, na ol narapela liklik wok long kisim mani long en.


Taim em i bungim inap mani, em i stat long peim skul fi bilong em yet stat long Gret 7 inap long Gret 12. Bihain long dispela, em i go long Yunivesiti bilong PNG na stadi long lo skul. Nau em i kamap wanpela loya na nau i wok wantaim wanpela lo kampani long kantri.

Hevi bilong mi em, mi wanpela skul dropout tu ya. Na planti taim, mi laik bihainim pasin bilong dispela man tasol ol samting i no wok gut long mi. Nau mi kros i stap na pilim olsem nogat wanpela gutpela samting bai kamap long laip bilong mi. Bai mi mekim wanem samting long helpim mi yet?

Plis Laipain, inap yu painim sampela rot long helpim mi?

Role Models Peace Seeker

Dia Pren,
Mipela i amamas olsem yu tokim mipela long win stori bilong rol modol bilong yu na man we ol hatwok bilong em yu amamas long en na yu laik bihainim long en. Dispela rol modol i bilong yu tasol mipela i pilim olsem em i rol modol long planti tausen narapela



pipel long PNG husat i stap long wankain wari na laip olsem long yu.

Pren, mipela i laikim yu long save olsem long wokabout long laip, yu mas wokim ol plen, baset i makim taim na fokas long ol driman na gol bilong yu. Mipela i bilip olsem dispela bai kamapim gutpela samting long laip bilong wanpela taim ol i laik wokim ol samting bai bagarapim sindaun na laip bilong ol.

Taim wanpela man i laik wokim wanpela samting, mipela i bilip olsem i moabeta long gat bilip long em yet bikos no gat narapela bai gat strongpela tingting long mekim samting, tasol yu yet. Pren, mipela i bilip olsem rol modol bilong yu i go pas pinis long soim rot long yu i bihainim sapos yu laik mekim gutpela samting long laip bilong yu. Yu ken tokim yu olsem sapos em i ken mekim, mi ken mekim tu.

Mipela i luksave olsem rol modol bilong yu i bin lusim skul long Gret 6 tasol mipela i bilip tu olsem sampela samting i bin mas mekim em i lusim ples long painim samting i ken givim em gutpela sans long laip.

Em bin kisim planti yia long kamap long mak em i stap long em tude. Em bin mas lukim tu olsem em i no laik sindaun nating na lukim ol wanskul bilong em i skruim skul long apa level na kisim gutpela laip, tasol em bin laik kamap olsem wanpela long ol.

Pren, yu wanpela skul dropout pinis na yu bin laik bihainim rol modol bilong yu tasaol yu wok long pundaun. Nau yu kros i stap na askim watpo dispela i kamap long yu? Em i gutpela long kros na tok mi no inap wokim wanpela gutpela samting long mi yet. Mipela i bilip olsem i ken gutpela long yu i kros na

bai mekim yu i wok hat moa long apim gol bilong yu. Pren, noken ting olsem yu no inap long wanem samting yu wokim. I moabeta yu kisim sampela luksave na lusim ol poroman yu gat nau bikos ol i ken mekim yu bagarapim tingting bilong yu. Mipela i bilip olsem ol bai no inap helpim yu long mekim gut long skul na laip bilong yu.

Pren, mipela i laik strongim yu long tokim ol long laik bilong yu long skruim skul na sapos ol i gat wankain wari olsem yu, yu ken toktok tu long ol. Laipain i bilip olsem long dispela kantri, PNG, i go het gut, em i wok bilong ol manmeri i kisim skul long mekim dispela.

Mipela i bilip olsem em i taim ol yangpela pipel olsem yu long tingting gut long wanem samting yu ken mekim sapos yu kisim gutpela edukesen. Pren, mipela i askim yu long save olsem yu wanpela skul drop aut, tasol ol samting i no pinis hia, nogat. Yu ken go het na traime na i napim ol driman bilong yu.

Sapos yu tok olsem yu lus, bai yu stap olsem wanpela dropout oltaim. Na dispela bai givim yu wari na hetpen, long famili bilong yu na kantri tu. Tasol yum as muv i go fowet, wok hat na mekim gut. Yu ken kamap olsem gutpela rol modol long ol narapela pikinini na ol yangpela.

Pren, God i save toktok long manmeri i stap long ol kain wari na hevi na em i laik toktok long yu tude sapos yu opim lewa bilong yu long em.

Ritim buk bilong ol Proverb 4:10-13.

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

Asbisop Rowan Williams amamas long wok Angliken Sios i mekim long PNG

...Raun long Anglikea Senta

Veronica Hatutasi i raitim

HETMAN bilong Angliken Sios long wol, BIsop bilong Kentaberi em Asbisop Dokta Rowan Williams i bin pinisim 5-pela de wokabaut bilong em long PNG tude.

Wokabaut bilong em i bin kisim em i go long Oro na Milen Be provins, em tupela provins ol strongpela Angliken Sios eria we sios i bin kirap pastaim long em taim ol namba wan misinari i bin go sua long Dogura, Milen Be Provins long 1891.

PNG i gat samting olsem 200,000 Angliken Sios memba long 5-pela daiosis long Milen Be, Oro, Nesenel Kapitel Distrik, Aipo-Rongo na Kimbe insait long Wes Nu Briten Provins.

Bikpela samting we sios hetman i bin kam long PNG long en em long lukim ol kongrikesen bilong em na wok we sios i mekim long sevim pipel na kontribuit long developmen bilong kantri. Moa yet, ol helt na edukesen sevis.

Long raun bilong em i go long Popondetta, Oro Provins, moa long 3,000 sios memba i bin bungim em. i bin gat lotu sevis na yut reli we Asbisop i bin gat sans long bungim ol yut na strongim ol long bihainim gutpela pasin na mekim ol wok we bai mekim ol i kamap ol gutpela manmeri bilong ol famili, komyuniti na kantri.

Long wankain taim tu, em bin autim bikpela tok tenkyu i go long O'Neill na Dion Gavman long gutpela sapot long sait bilong Protkol na sekyuriti ol i givim long wokabaut bilong em na lain bilong em long PNG.

Long wankain taim tu, Asbisop Dokta Williams i tok em bai lukluk long ol ripot em i kisim bilong sios long PNG, moa yet, ol dispela long helt kea na edukesen, na kisim i go long bung long Nu Silan i glasim, skelim na go hetim.

Long aste apinun, Asbisop Dokta Williams i bin gat taim long raun long Anglikea, Waigani long Mosbi na lukim ol wok we dispela ogenaissen i wokim.

Em bin amamas tru long lukim bikpela na gutpela wok we Anglikea aninit long sios, maski em i gat liklik mak long ol sios memba skelim wantaim ol narapela bikpela sios, i mekim.

"Mi amamas tru na kirap nogut long bikpela wok we Angliken Sios long dispela kantri i wokim long sait bilong helpim ol manmeri i gat HIV na AIDS.

Em bin tok ol sios i gat

bikpela salens long rausim "stigma" o pasin bilong lukluk nogut long ol pipel i gat sik HIV na AIDS, na helpim ol.

"Toktok long ples klia lon g seksual helt na HIV na AIDS em i wanpela samting i hat long mekim, tasol yumi mas strong na toktok long ol dispela samting long helpim ol pipel i wok long pilim pen na sem long kamaut na kisim helpim," Asbisop Dokta Williams i bin tok.

Ol hetman bilong ol narapela sios olsem Salvesen Ami, Yunaitet Sios, Baptis Yunien, ol lain i makim Britis na Australia Hai Komisin, ol bik manmeri bilong Angliken Sios, midia na ol woklain bilong Anglikea i bin stap insait long raun na bung we bikman ya na lain bilong em i bin wokim insait long Anglikea kompaun long Waigani.



WELKAM: Anglikea i welkamim Asbisop bilong Kentaberi, Asbisop Dokta Rowan Williams long lukluk raun bilong em i go long senta.



PUTIM FLAWA: Wanpela wokmeri bilong Anglikea Senta i putim flawa long tok welkam long Asbisop Rowan, Bisop bilong Pot Mosbi Angliken Daiosis, Peter Ramsden na ol narapela biklain i bin kam wantaim bikman long PNG.s



WOKABAUT I GO LONG SENTA: Dairekta bilong Anglikea, Heni Meke i go pas long kisim Asbisop Rowan na lain i go long senta.



MEKIM KLIA: Wanpela wokmeri long Drop In Senta bilong ol HIV na AIDS lain i mekim klia long asbisop ol wok we senta i save mekim.



WANTAIM OL NARAPELA SIOS LIDA: Lida bilong PNG Baptis Sios wantaim Asbisop Rowan na Bisop Peter Ramsden n a pastaim supa sekreteri, Robert Igara i toktok wantaim Asbisop Rowan na Bisop Peter.

OL POTO: Nicky Bernard

Selim kokonas na karim go long Hailans long banisim birua sik

James Kila i raitim

BIKPELA toksave i go long ol lain kokonas tredas bilong Hailans rijon olsem ol i mas rausim o selim skin bilong kokonas na karim kokonas wantaim sel tasol i go antap long Hailans.

Dispela em strongpela toktok ol lain ofisa bilong gavman husat i wok strong long stopim sik nogut bilong kokonas ol i kolim Bogia Kokonas Sindrom (BCS) i mekim.

Nau yet ol lain ofisa bilong Nesenel Agrikalsa Kwarantain na Inspeksen Atoriti (NAQIA), Dipatmen ov Agrikalsa na Laipstok (DAL), PNG Kakao na Kokonas Institiut (PNGCCI) na Kopra Industri Korporensen (KIK) i wok long karimaut bikpela sevelens na kwarantain sekap long Tapo long rot i go olsem long Madang-Ramu Haiwe.

Dispela sek-poin em long sekim ol kar na stopim ol kru kokonas na ol dispela i gat skin long go aut long Madang.

Bikpela tambu i stap yet olsem ol

samting i gat lip na kuru long hap bilong Bogia bai tambu tru long goaut long Madang provins. Dispela em bikos bikpela banis i stap nau long stopim dispela sik Bogia Kokonas Sindrom (BCS).

Ol kokonas treidas bilong Hailans husat i save baim bikpela namba bilong kokonas saplai long Madang na i laik karim i go antap long Hailans lo salim.

Wanpela man husat i save baim kokonas long karim i go long Hailans, Jim Apoga bilong Kabiura long Isten Hailans provins i tok ol i kisim toksave pinis olsem ol mas selim ol kokonas pastaim na karim ol kokonas wantaim sel i go antap long Hailans.

Long stat bilong dispela yia ol lain bilong NAQIA i bin mekim wanpela bikpela aweanes long Madang long ol bas-top na tu long bot-stop long toksave long ol pipel long banisim dispela sik Bogia Kokonas Sindrom (BCS). Dispela em bikos taim dispela sik i go long narapela provins em i ken kilim indai ol kokonas na tu ol narapela samting

olsem buai na sampela banana.

Dispela sik nogut em ol agrikalsa saveman i bin painim long bus eria bilong Yoro long Bogia na i wok long go bikpela hariap long nambis ples long Bogia.

Insait long aweanes ol i tokaut tu olsem dispela sik nogut bilong kokonas BCS em nogat marasin i stap long stopim. Olsem na ol pipel i mas was gut tru na noken larim dispela sik i goaut long Bogia na bagarapim kokonas industri long narapela provins na PNG.

Aweanes i tokaut tu olsem ol pipel i mas was gut tru na noken karim ol nupela kuru kokonas

Wanpela entomolojis o saveman bilong NAQIA i tok olsem maski olsem dispela sik nogut bilong kokonas em ol sain bilong em ol i



SELIM: Wanpela man Hailans, Mathew Yakai i selim kokonas long karim i go antap long Hailans. Poto: James Kila

luksave long em 15-pela krismas pastaim.

Em i tok dispela sik nogut em wankain olsem haipa-plasma tasol em i bikpela. Tasol ol pasin bilong en i wankain.

Long dispela sik bilong kokonas

BCS, ol kokonas bai lusim ol lip bilong ol na ol brens bilong kokonas tasol bai sanap.

“Em save kisim tripela o foapela mun long kokonas i dai,” saveman bilong NAQIA i tok.

NARI redi pinis long Morobe So



TARO: Planti nupela teknoloji long kain gaden kaikai olsem taro bai stap.

NARI GADEN: (Daunbilo) NARI i gat gaden ol i planim na stap long wetim so.



OL fama husat i raun i go lukluk long Morobe So dispela wiken bai lukim ol nupela namba wan rot bilong wok agrikalsa, na ol nupela rot bilong risos divelopmen long ol lokol o asples kaikai.

Nesenel Agrikalsarel Riset Institut (NARI) bai bringim ol nupela, mobeta aidia na teknoloji bilong serim long ol fama bilong kantri.

Planti long ol samting NARI bai bringim em long soim ol wok i kamap long ol rijenal senta bilong ol long Morobe, olsem long Bubia (em ol gaden kaikai), na Labu (em long wok lukautim abus).

Dispela yia, Ailans Rijenal Senta long Kerevat bai soim pes wantaim galip nat – em ol i tok em nupela ‘grin gold’ bilong PNG.

Ol yangpela galip nat

sidling na ol galip nat yet, na infomesen long dispela diwai bai go insait long Lae bilong dispela spesol eksibit. Ol wokman bilong NARI bai stap bilong givim moa stia long pablik.

Bikpela luksave bilong NARI long Morobe So dispela yia, em long serim save.

Stol bilong NARI long so-graun bai gat planti ol infomesen na piksa samting bilong lukim.

Olgeta bai bihainim het tok bilong 2012 Morobe So – ‘Agrikalsarel Wok bilong Mobeta Laip na sindaun’.

Ol saintis savemanmeri bilong NARI bai stap tu

pela de wantaim bilong skulim na givim stia long ol manmeri.

Namel long ol displei bilong NARI, bai wok ol i mekim long baioteknoloji

na tisu kalsa, rot bilong stap wantaim taim bilong drai, pos haves na prosesim ol asples kaikai risos, rais na gren, florikalsa o wok flawa, nupela wok long kaukau, yam, ol sid bilong ol kaikai krop, na ol wok bilong smol laipstok menesmen, we i karamapim tu ol rot bilong givim kaikai long ol enimal.

Ol nupela program NARI i gat, bai stap bilong pablik long lukim, na em i sans bilong ol sumatin o nupela saintis bilong tromoi ol askim ol i gat long ol lain humen risoses divisen, husat bai stap wantaim ol displei, na long bekim ol askim.

Sampela ol arapela samting em ol bikpela projek olsem EU-ACP Kapesiti Bilding na EU ARD bai stap bilong ol manmeri long lukim.

Ol fama na lain i go raun long so bai lukim ol laip gaden kaikai long demonstresen blok klostur long NARI stol.

Ol dispela krop, ol i planim na stap pinis, long redi long so, na dispela wiken, olgeta bai stap long mak we bai klia long pablik long we bilong ol long groa gut.

Infomesen na Save program bilong NARI bai soim na salim sampela long ol nupela risets wok kamap, olsem ol teknikal na saintifik nius, ol wok ki-bung, ol ekstensen wok, DVD na CD, ol trening manual na ol isi rot bilong bihain (long inglis na tok pisin wantaim) long kain kain wok gaden, lukautim abus, banis agensim ol binatang, teknikal na wok glasim sevis, na ol risos menesmen wok.

SKULIM: (Namel) Ol NARI saveman bai stap long givim tok stia long mekim samting stret.

BLO BAIM: I gat planti ol nupela kain gaden kaikai i stap bilong baim.





EM YA: Bosman bi-long Esso Highlands Limited i givim kaikai long wanpela kokomo.

PNG LNG projek makim wokbung wantaim Pot Mosbi Netsa Pak

PNG LNG Projek, we Esso Highlands Limited (EHL) i go pas long en, i wokbung long sapotim Pot Mosbi Netsa Pak (Nature Park).

Dispela netsa pak long Mosbi em i namba wan botanikel (lukautim plawa) na sulojikal (lukautim enimal) ples.

LNG projek i skelim K325,826 i go long Pak, we i strong nau long skulim ol Papua Niugini manmeri long strongpela busgraun na enimal bilong kantri.

Menesing Dairekta bilong Esso Highlands, Peter Graham, i bin raun i go long Pak long Fonde, Oktoba 11, long makim dispela wokbung.

Jeneral Menesa bilong Pot Mosbi Netsa Pak, Michelle McGeorge, i tok ol bai yusim dispela mani long kamapim wanpela skul edukesen progrem, wanpela Tri-Kengaru risets na rot bilong bridim ol enimal, na long sanapim moa sainbot bilong givim

moa stori long ol dispela enimal long ol plawa na enimal i stap long pak.

"Sapot i kam long PNG LNG Projek bai kamapim ol fomol skul raun i go long Pak, we i bihainim olgeta kaikai bilong skul long PNG edukesen kurikulum.

"Mipela laik tok tenkyu long PNG LNG Projek long bikpela mani halivim ol i givim, bilong banisim gut ol busgraun na enimal bilong Papua Niugini," em i tok.

Mista Graham i tok Projek i bilip long sapotim ol konsavesen projek long kantri.

"Esso Highlands i save strongim tru bilip bilong em long lukautim busgraun, na dispela sapot em i wanpela bikpela luksave long dispela bilip.

"Skulim em i samting kantri i mas i gat long holim strong gutpela busgraun na ol enimal bilong en," Mista Graham i tok.

Baining bisnis grup bai brukim graun wantaim welpam

Michael Novingu i raitim

NAMBA wan planim bilong 11,000 hekta graun welpam bilong wanpela bisnis grup long Baining long Is Nu Briten bai kamap dispela wik.

Kairak bisnis grup bilong Baining i wok bung wantaim Tzen Grup ov Kampanis bilong Malaysia (Malaysia) i brukim graun pinis long statim wok planim bilong 11,000 hekta graun long Kairak las wik Sarere.

Eking Provinsal Edministreta long ENB, Levi Mano, i tokim moa long 2,000 papagraun, wokmanmeri bilong

Tzen Grup ov Kampanis, na ol arapela manmeri i stap long dispela bung bilong brukim graun, olsem ENB provinsal gavman i amamas long wokbung wantaim ol long lukim dispela projek i go het.

Mano i tok ENB provinsal gavman i gat plen long surukim wok go het long kirapim developmen long welpam insait long ENB provins.

Em i tok dispela em i bikpela projek we bai kirapim wok bisnis.

Moa yet, em i tok dispela projek bai kirapim planti wok long ol papagraun na sevis bai go long ol manmeri bilong ples Baining.

Mano i tok planti taim, ol pipel i save tok olsem gavman i no kisim sevis i go long ol pipel. Moa yet, em i tok ol pipel i mas statim wok pas-taim, bihain bai gavman i kam na helpim ol.

Em i tok ENB provinsal gavman i sanap strong long wok pren wantaim Tzen Grup ov Kampanis, na Kairak papagraun kampani long lukim projek i ron gut.

Mano i tok dispela projek em ol Kairak papagraun i go pas long em, tasol ENB provinsal gavman bai wok bung wantaim ol long lukim projek bai go het long kisim sevi i go long ol pipel bilong Baining, na ENB.

Saut Korea kampani helpim Madang polis

WANPELA kampani bi-long kantri Korea, husat i muv i go stap long Madang long mekim wok developmen, i soim gutpela pasin long helpim wok bilong polis long provins.

Long wiken i go pinis, tupela dairekta bilong SMS Disain na Enjiniering i givim 150 vest, o jaket long stopim katres bilong gan long sutim bodi, i go long polis long Madang.

Tupela dairekta ya, Kevin Sun na Kyung Sung Kim, i bin givim ol dispela bulet-pruf vest i go long Provinsal Polis Komanda (PPC) bilong Madang, Suprintenden Anthony Wagambie (Junia) long wanpela liklik seremoni long Jomba polis stesen.

Dispela kampani Sun Moon Star (SMS) Disain

na Enjiniering i bin go stap long Madang sot-pela taim nau bihain long Memba bilong Raikos, James Gau i bin askim ol long go stap long wokim tupela bikpela bris long Yowor na Minjeng Wara long Bugati eria long Astrolabe Be long Raikos dis-trik.

Kam bilong SMS tu i lukim ol wokman bilong en i helpim long mekim wok sevei long mekim ri-habilitesen o stretim Madang taun rot projek.

Mista Sun i tok kampani bilong em i amamas long wok bilong polis long lukautim ol masin na wokman bilong kampani taim ol i stretim ples long wokim bris long Bugati na tu, gutpela was ol polis i save givim long ol wokman bilong ol husat i wok raun long mekim

sevei long Madang rot ri-habilitesen.

Em i tokaut tu olsem dispela ol bulet-pruf vest em narapela dairekta meri, Kyung Sung Kim, yet i mekim disain long en na kampani bilong ol yet i wokim long fektori bilong ol long Saut Korea.

Mista Sun i tok olsem long nau yet ol wokman bilong em i wok long mekim sevei o wok painimaut long ol rot long Madang taun na tu wanem rot long wokim ol baret bilong wara i ken ron taim ol i opim rot o mekim rot i go bikpela long Madang taun.

PPC Wagambie, long taim em i kisim dispela 150-pela bulet-pruf vest, i tokaut dispela kain helpim em namba wan taim tru polis long Madang i kisim long wanpela kampani bilong

Saut Korea.

Mista Wagambie i tokaut tu olsem SMS em namba wan kampani bi-long Saut Korea husat i muv i go long Madang long bringim developmen insait long dispela provins, na em i amamas long wok klostuwantaim ol long sait bi-long sekuriti bilong dispela developa.

Em i tok olsem polis i gat wok long mekim olsem ol developmen i kamap gut tasol na nogat kain pret i kamap taim ol investa i laik bringim developmen.

Em i tok olsem maski olsem dispela kampani i kam stap sot-pela taim tasol long provins, em i minim bisnis stret na kain helpim kampani i givim i go long polis long helpim long daunim lo na oda hevi long provins em gutpela sain stret.

TUPELA EM PLANTI TUMAS!

DAUNIM NAMBA BILONG OL LAIN YU SAVE SILIP RAUN WANTAIM IGO LONG WANPELA

Ol lain yu save silip raun wantaim bai igat ol narapela lain ol save silip raun wantaim tu - Sapos wanpela bilong ol bin igat HIV, yu bai igat bikpela sans long kisim HIV.

Daunim namba bilong ol lain yu save silip raun wantaim igo long wanpela tasol, emi nambawan rot long

BANISIM WANEM SAMTING YU LAIKIM STRET.

Learn more at:
www.facebook.com/protectwhatyoulovepng

Australian AID

fhi360

Model fama promotim fud sekuriti wantaim rais prodaksen

James Kila i raitim

FUD Sekyuriti em bikipela samting ol pipel bilong olgeta ples, graun insait long PNG mas promotim, bikos em bai lukautim laip na gutpela sindaun bilong ol pipel bilong komyuniti nau na long bihain taim.

Dispela em bikipela tok tok tru wanpela model rais fama, William Wageng bilong ples Bom insait long Astrolabe Be eria, i mekim.

Wageng i tok rais em i no tumbuna kaikai bilong yumi ol pipel bilong PNG, tasol insait long las 40 yia i go pinis, dispela kaikai i go strong tru na planti lain tru insait long PNG i save kaikai rais. Long ol bikipela taun na tu long ol rurel ples, rais i kamap olsem wanpela namba

wan kaikai bilong ol pipel bilong yumi.

Yes, rais nau i kamap olsem wanpela stepel kaikai, o min olsem moa pipel i save laikim rais na em i kamap olsem kaikai tru bilong yumi lain bilong PNG.

Insait long Madang provins, sampela komyuniti long rurel eria i go het long planim rais na milim na kaikai wantaim famili bilong ol.

Wanpela long ol dispela komyuniti em bilong Bom viles, long Bugati eria long Astrolabe Be lokal level gavman long Raikos distrik long Madang provins.

Long dispela yia tasol, ol pipel bilong Bom viles i bin redim wanpela gutpela progrem tru we i lukim tripela rais teknikal saveman bilong Japan i bin mekim lukluk raun bi-

long ol i go long ol rais gaden bilong ol na tu i bin go bung wantaim ol long ples bilong ol.

Ol fama long ples i bin serim sampela tingting bilong ol long wanem ol hevi ol i save bungim we i save daunim ol liklik long groim rais. Tasol ol i tokaut olsem ol i gat bikipela bilip yet long groim rais na strongim prodaksen na fud sekuriti bilong ol yet wantaim famili na komyuniti bilong ol long ples Bom.

JICA i bin helpim long promotim smolholda rais prodaksen stat long 2003 i kam inap nau insait long ol ekstensen program bilong en long tripela provins long PNG, em long Madang, Is Sepik, Manus na Milen Be provins.

Lukluk raun bilong JICA i go long ol smolholda rais projek long Bom em i bin

kamap bihain long ol JICA lain i laik wok bung wantaim ol developmen patnas husat i promotim rais prodaksen insait long kantri. Ol i lukim olsem divelopa bilong nikel na kobalt projek.

Bihain long en ol i go long Bom we ol i go lukim gaden bilong narapela fama gen na bihain ol i go long ples Bom we ol viles pipel i bung na mekim naispela welkam tru long ol JICA lain ya.

Ol viles pipel i lukim lokal rais we ol i planim long en na givim ol ofisa bilong JICA long kaikai na teistim swit bilong en.

Dokta Iwamoto i tok PNG i gat gutpela graun tru na rais i ken gro gut tru, sapos fama i givim moa taim bilong em na tu redim gut graun long planim rais na lukautim rais long gro gut na kamapim gutpela kaikai.



MILIM PINIS: William Wagen em model rais fama long ples Bom i soim 60 kilogram rais em i milim pinis. Poto: James Kila

Force 10 International lukluk long strongim Ok Tedi

WANPELA konstraksen kampani bilong Australia husat i save mekim ol hai kwolati haus i winim pinis wanpela kontrak bilong mekim faipela 108 rum na tripela stori haus slip bilong Ok Tedi Mining Limited (Ok Tedi) long Tabubil, Westen Provins.

Dispela kampani, Force 10 International, i wokbung wantaim Ok Tedi long kamapim plen bilong dispela haus slip, bihainim yet nid bilong maining kampani.

Projek bilong bildim dispela haus slip i abrusim ten milian Australia dola.

Force 10 bai redim olgeta ol haphap bilong dispela haus slip, na

salim i go long main sait.

Em nau, ol lokol wokman bai sanapim.

Dispela bilding em Force 10 i plenim bihainim bilding sistem bilong ol, we i no nidim ol bikipela saveman long wok konstraksen long bildim.

Force 10 Sels Menesa, Alan Collins i tok olsem dispela projek bai inapim 6 mun long pinisim.

Ol bai yusim 200 kontena bilong karim ol hap hap bilong bilding i kam long Force 10 Menufeksaring Plent long Brisbane, Kwinslen.

Samting olsem AUD\$20 milian i go long wok risets na divelopmen bilong dispela

bilding sistem bilong ol.

Ol dispela bilding i strongpela, i ken liklik o bikipela tru, i gat gutpela banis long wara na paia, na ol wait anis i no inap long bagarapim.

Mista Collins i tok olsem dispela kontrak ol i kisim wantaim Ok Tedi, em i wanpela long ol bikipela kontrak ol i wok long kisim insait long kantri.

Em i tok em i amamas tru long pasin bilong ol lokol PNG wokman long bihainim ol Force 10 prodak na we bilong sanapim.

Nau yet, Force 10 i wok long saplain ol bilding i go long foapela arapela hap long Madang, Lihir Ailan, Lae, na Pot Mosbi.



LUKLUK YET: Wanpela atis i kamapim dispela piksa long wok bai kamap long Ok Tedi haus silip long Westen Provins.

Airlines PNG I OP NAU LONG VISION CITY

Taim yu laik ron long balus *our way*,
sekim **Nupela Sales Opis** bilong mipela long fes floa
bilong Vision City.

Ol wokmanmeri bilong mipela bai plenim na bukim
domestik na intanesenel balus ron bilong yu.

Lukim yu long **Nupela Sales Opis** bilong Airlines PNG.

Ringim 72222151 o sekim www.apng.com

Airlines PNG
COME FLY OUR WAY



Ramu NiCo sapatim gen Raikos Kangal Festival

BIKPELA bilas na kala bilong Ramu NiCo Kangal Festival bai stat tude (Fonde, Oktoba 25) na go het tumora long ples Bandit insait long Saidor LLG long Madang provins.

Dispela bikpela festival we i promotim ol kangal o het-dres bilong ol lain pipel bilong Raikos bai nais tru taim long long 30-pela singsing grup long olgeta kona bilong Raikos distrik i bung long ples Bandit long singsing.

Plantu amamas na tu bung bilong ol manmeri na pikinini long soim kalsa na bilas bai paia lait stret long dispela Ramu NiCo Kangal Festival we bai kamap long de na nait wantaim stat tude na pinis long tumora.

Bikpela malti-milion nikel/kobalt developa long Madang provins, Ramu NiCo Menesmen (MCC) Limited long dispela yia i sapatim gen Raikos Kangal Festival na i get nem long dispela bikpela festival long promotim kalsa na pasin tumbuna bilong ol pipel bilong Raikos.

Ramu NiCo i bin stat long helpim dispela festival long 2010 na i kisim nem rait na nau dispela festival em ol i kolim Ramu NiCo Kangal Festival.

Wankain olsem ol arapela tupela yia pastaim, Ramu NiCo long Mande Oktoba 15 i bin givim sampela kaikai i go long Siaman bilong Ramu NiCo Kangal Festival, Soge Dilambe.

Dispela donesen bilong Ramu NiCo em ol stua kaikai we ol manmeri insait long ol singsing grup bai kaikai na stap bung long singsing long san na nait long ples Bandit.

Ramu NiCo i kisim nem rait long dispela Raikos Kangal Festival long yia 2010 bikos em i gat bikpela tingting long promotim na na halivim ol lokal pipel bilong Raikos distrik long Madang provins long holim strong pasin tumbuna na kalsa bilong ol. Taim ol pipel i holim strong pasin tumbuna na kalsa ol pikinini na tumbuna long bihain taim i ken save long kalsa bilong ol.

Mista Dilambe em bilong Bandit viles na em i amamas tru taim em i kisim ol stua kaikai olsem rais beg, suga, nudels katen, tinpis katen kofi long Ramu NiCo long Mande, Oktoba 15.

"Ramu NiCo i sponsa long dis-

pela festival stat long 2010 na bihain long 2011 na dispela yia gen, na mipela i amamas tru long sapat kampani i givim long helpim mipela ol pipel bilong ples,

"Kain sapat bilong Ramu NiCo em gutpela bikos em i givim tingting long mipela long sanap strong long promotim na holim strong pasin tumbuna na kalsa bilong mipela long ples na rurel komyniti bilong mipela," Mista Dilambe i tok.

Turism Ofisa bilong Madang Provinsal Komes Ofisa, Jenneth Roth i givim bikpela tok tenkyu tu long Ramu NiCo na i tok olsem kain helpim bilong Ramu NiCo em gutpela tru bikos ol i traim askim ol arapela kampani long Madang long sapatim ol tasol ol i no kisim gutpela bekim.

Kangal em lokal nem bilong pisin gras na tu sampela i save kolim bilas long het we ol manmeri i save werim long taim bilong singsing.

"Mipela bai soim tripela kain ol kangal mak-mak bilong singsing, wanpela bilong de taim na tupela bai mipela soim long nait taim tasol," Dilambe i tok.

Em i tok kangal singsing we i save kamap long de taim em i go wantaim kastom bilong mekim hol long nus na ol kangal ol lain i werim bai sotpela.

Em i tok ol longpela kangal bilong singsing long festival i gat miting bilong en na dispela ol kangal em ol i save werim long het bilong ol lain i singsing na wanpela kom i holim ol kangal i sanap strong long gras bilong ol dispela lain bilong singsing.

"Long biknait ol lain bilong singsing i save mekim 'kongap' na ol lain i danis i mekim mak mak bilong danis i save penim lek bilong ol long bilak-pela kala," Dilambe i tok.

Mista Dilambe i tok long 2010 Ramu NiCo Kangal Festival i bin kamap long Saidor stesin, tasol bihain long 2011 ol komiti bilong festival i muvim i go long ples Bandit we i gat wanpela eria o so-graun i stap we ol pipel i save bung long singsing long en.

Em i tok bikos long sait long trenspot, plantu ol turis i no bin gat sans long go lukim dispela nara-pela kangal festival long Raikos. Tasol, em i tok komiti bilong em i amamas tru bikos Nesanel Kalsarel

Komisin i luksave long dispela festival pinis na i putim long kalenda bilong ol.

Mista Dilambe i tok long dispela yia we festival bai stat tude, em i bilip sampela ofisa bilong Nesanel Kalsarel Komisin bai raun i go long ples Bandit long lukim dispela nara-pela stail, kala na bilas bilong Ramu NiCo Kangal Festival.

Em i tokaut tu olsem sampela ol ofisa bilong Madang Provincial Komes na Turism ofis tu bai go long ples Bandit we i stap baksait long maunten bilong Saidor stesen long lukim Ramu NiCo Kangal Festival bilong yia 2012.



Ramu NiCo Koporet Afes Pablik Rilesens Ofisa, James Kila i givim donesen bilong kampani i go long Mista Dilambe wantaim ol woklain bilong Madang Komes Ofis.



Ol pikinini bilong Raikos i samsam stret long Ramu NiCo Kangal Festival



Wanpela grup long Ramu NiCo Kangal Festival



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**Wanpela
Ramu NiCo,
Wanpela
Komyniti**

Namba wan animal resis

IGAT planti kain resis bilong ol animal i save kamap olgeta hap long wol, tasol i gat wanpela we i yumi olgeta i save gut long en - dispela em resis bilong ol hos (horse).

Hos resis em i kamap wanpela bikipela resis tru we planti manmeri na ol sponsa i save putim planti mani long sapotim.

I save gat ol save manmeri bilong trenim ol hos na tu ol lain husat bai kalap antap na ronim dispela ol hos.

Wanwan ol bikipela kantri long wol i save gat ol bikipela resis we ol i save traim strong na spit bilong wanwan hos na tu bilong ol man husat i ronim ol dispela hos.

Ol lain husat i save trenim na lukautim ol hos i save gut long wanem kain kaikai, marasin, malolo nap les bilong silip we ol dispela hos i mas stap long en.

Ol i save kisim tu wanpela save man bilong ronim hos long kalap na ronim dispela hos bai em i ken save gut long spit na strong bilong hos bipo long taim bilong resis.

Histri bilong gem

Ol wok painim aut i soim olsem hos resis em i no nupela samting na i bin stap long bipo tru.

Wok bilong ol saientis i soim olsem hos resis i bin stap long taim bilong ol Babilon (Babylon), Siria (Syria), na Isip (Egypt).

Rekot bilong ol hos resis we ol i save pulim wilwil long baksait wantaim draiva bilong ol insait long en, na tu resis bilong hos olsem long nau, i bin kamap tu long bipo Olimpik bilong ol Grik (Greek) long 648 yia bipo long mama i karim Jisas Kraus (648 BC).

Wankain painim aut i kamap long taim bilong ol Roman na long Gret Briten, ol family bilong ol King i save pilai wantaim ol hos bilong ol long dispela resis we i mekim ol i save makim dispela gem olsem Spot bilong ol King (Sport of Kings).

Stat bilong dispela spot i kamap long bipo tru taim i nogat kar na masin bilong ron long en na ol manmeri save yusim hos long karim ol i go kam.

Ol i save yusim dispela ol hos long raun, pilai, wok na tu long taim bilong ol bikipela pait.

Dispela i mekim ol lain husat i gat hos, i save gut tru long lukautim na ronim hos na sampela taim ol i save resis wantaim ol arapela poro o family bilong ol long taim na lukim save bilong ol long ronim hos na tu strong na spit bilong hos bilong ol.

Kain ol liklik pilai kamap olgeta taim na bihain em i go bikipela taim planti manmeri wantaim ol hos bilong ol i bung wantaim long stap insait long ol bikipela resis.

Ol i save resis long winim wanpela prais o kisim biknem.

Hos resis long Amerika i stat long 1665 taim ol i opim nupela ples bilong ol hos long resis long Salisbury, Nu Yok (New York).

Dispela i bin namba wan taim tru bilong wanpela hos resis i kamap long Not Amerika na Nu Yok insait long pilai graun stret aninit long was bilong ol loa na stail bilong pilai na tu gutpela trening na wok redi bilong ol pilaia na hos bilong ol.

Stail na loa bilong gem

I gat tripela kain hos resis, dispela em flet resis (flat racing), stipol

ses (steeplechasing) na hanes resis (harness racing).

Long flet resis, wanpela raida o joki (jockey) save kalap antap long hos ronim olsem draiva bilong dispela hos.

Rot bilong ol long resis i raunpela na ol i save ron stret tasol i go kamap long pinis mak.

Long stipol ses, dispela raida na hos bilong em bai resis long wankain rot tasol i save gat ol banis long namel bilong rot we ol i mas kalapim inap ol i go kamap long pinis mak.

Long hanes resis, draiva bilong hos bai sindaun antap long wanpela wilwil na hos bai pulim dispela wilwil long baksait.

Ol tu bai traim long kamap pas long pinis mak bipo long ol arapela.

I save gat ol spesol hos we ol i no save bungim ol wantaim ol arapela kain hos.

Dispela ol hos i bihainim wankain blut bilong ol tumbuna bilong ol long bipo yet i kam na bodi na strong bilong ol inap tru long dispela kain resis.

Nem bilong dispela kain ol hos em tarabred (Thoroughbred).

Planti long dispela ol hos i save stap insait long ol flet resis.

Hos resis long PNG

Wok bilong kamapim wanpela hos resis ples long PNG em i no isi samting.

Namba wan samting ol i mas gat em gutpela ples bilong lukautim ol hos, i mas i gat inap mani tu bilong baim ol gutpela kaikai na marasin bilong lukautim ol.

Long wankain taim, husat ol lain i laik lukautim ol hos bilong resis, i mas gat mani long baim ol save manmeri long lukautim na trenim gut ol hos bilong ol long resis.

Na bikipela samting tru ol i mas gat em ol hos bilong resis stret.

Em i save kos bikipela mani tu long baim na kisim dispela ol hos i kam long PNG.

Bai yu mas baim tu wanpela joki long ronim hos bilong yu long taim bilong resis nay u mas i gat kar bilong karim hos i go long ples bilong pilai.

Kos bilong ol dokta bilong animal (vet) em i bikipela tru insait long PNG, taim yu laik kisim em i kam long sekim hos bilong yu.

Long dispela as, hos resis i mas i gat planti ol bikipela sponsa long sapotim.

Na tu, i mas i gat gutpela pilai graun bilong ol hos i resis long en we ol manmeri ken kamap long sindaun na lukluk tu.

I gat ples bilong lukautim hos nap les bilong mekim ol pilai graun bilong resis i stap tasol ol arapela wok olsem mi tokaut pinis long antap, i mekim dispela spot i bikipela samting tru long kamapim, lukautim na ronim gut.

Tasol em i wanpela gutpela spot we bai lainim yu long lukautim hos na ol arapela animal na tu save long ol pasin bilong ol.

Hos em i gutpela animal we i save helpim ol manmeri long bipo yet i kam na i gutpela tu long save long ol bai yu noken pret long ol.

Nau yet, olgeta sapota bilong hos resis i save lukluk tasol long TV long ol resis bilong ol arapela na planti mameri save putim bikipela mani long lukim hos bilong husat bai winim resis.




DRAIVA: Wanpela joki ronim hos bilong em insait long wanpela resis.



KALAP: Ol hos i kalapim wanpela banis long stipolses resis bilong ol.



HOS PAWA: Ol hos i ron insait long wanpela resis.



PILAI GRAUN: Ples we ol hos i save resis i bikipela na longpela moa.



TRELA: Ol hos i pulim wilwil long wanpela resis.



TRAIM TASOL: Tupela liklik sapota bilong AFL, tasol tupela pilai ragbi tas long taim bilong gren fainol bilong AFL long Sarere wik i go pinis. *Poto Nicky Bernard*



TENKYU MINISTA: Kepten bilong Brothers Klab i kisim namba tu prais mani long han bilong namba tu minister bilong spot Labi Amaiyu. Brothers i lus long Dobo Warriors 22-18. *Poto Nicky Bernard*



WARA BILONG MIPELA: Kepten bilong Eda Ranu Dobo Warriors i run wantaim bal long gren fainol pilai bilong ol wantaim Brothers. Tim bilong em i win bihain long ol stap long Pot Mosbi ragbi lig 17 yia olgeta. *Poto Nicky Bernard*



DAI HAT: Strongpela sapota bilong Dobo Warriors i soim sapot bilong em. *Poto Nicky Bernard.*



TIGER: Mipela holim bilong dispela yia. University Tiger sempion bilong dispela yai AFL, ol winim Gordons Kokofas long wampela gutpela gren fainol bilong AFL long Poto Mosbi. *Poto Nicky Bernard.*



KOKOFAS: Pilaia bilong Gordons Kokofas i traim long brukim bainis bilong Yuni Tigers tasol banis bilong ol i strong tru. *Poto Nicky Bernard.*



KING BILONG RAMU SUGAR: Hetura soka klab i holim bek taitol em long Ramu Sugar soka grenfaino. *Poto Nelson Thom.*

TOKSAVE: Salim ol spots dro bilong yu kam long Feks; 325 2579, e-mel;nbernard@wantok.com.pg o kam lusim long Wantok Niuspepa opis long Central Waigani, NCD.



Digicel PNG
helpim PNG
Volibol Federesen
namba-3 yia gen.



Seption Tim Eda
Ranu Dobo
Warriors.



Holim em, em Kokofa bilong
Gordons ya.



Waitpela Kokofas bilong Gordons, em bai traिम gen long narapela yia.

Ipatas Kap bai pairap long Popondetta, Buka na Niugini Ailans

...King bilong lokol musik, K-Dumen, tok orait long helpim

NAMBAWAN op sisen ragbi bilong PNG, Coca Cola Ipatas kap, bai kam strong tru long neks yia 2013, wantaim planti nupela tim long olgeta hap bilong kantri.

Ol provins olsem Oro, Bogenvil, Is na Wes Nu Briten bai gat sans long putim putim wanpela tim go insait long neks yia salens.

Antap long olgeta developmen, King bilong lokol musik, K-Duman, bai kamap atis bilong 2013 Salens.

Mista Lepa i tok Digicel sta wina bilong las yia, Greg Aaron, bai sapotim K-Duman long karim ragbi mesej i go aut long olgeta hap bilong kantri. Tupela bai go sing long olgeta hap

we ol bai pilai ragbi long en.

K-Dumen em pastaim wanpela kalabus tasol nau em i laik yusim musik long helpim ol yangpela insait long ol komuniti long lusim pasin raskol na birua.

David Loko, nau seken rowa bilong Kumul na kepten bilong Enga Mioks, i tok amamas i go long CCIC long kisim K-Dumen i kam insait long neks yia resis.

Timothy Lepa i tok aut long kalenda bilong neks yia salens. Long dispela kalenda, K-Dumen bai pilai long olgeta ples we ol bai pilai ragbi long em long olgeta Sande.

Planti ol nupela ples na tim bai kam insait. Mista Lepa i tok em bai nam-

bawan taim, CCIC bai go insait long Niugini Ailan. Em i tok tu olsem tupela sempion tim bilong Kokopo Lig, Kokopa Royals na Kokopa Muruks wantaim ol tim bilong narapela distrik olsem Lihir, Kavieng, Kimbe na Hoskins bai pilai long Kalabond Oval.

Tupela narapela provins tu em Buka na Popondetta. CCIC i amamas long go insait long ol dispela provins long givim sans long olgeta i ken resis long dispela bigpela prais mani.

Long Sauten Regin, tupela premia tim, Dobo Warriors na Parischo Brothers, na sempion bilong CCIC long Mosbi las yia, wantaim Paga Panthers bai gat big-

pela sans long pilai neks yia. Olgeta distriks long Sentral provins tu bai fait strong long kisim ples insait long CCIC resis.

Long Hailans, Lepa i tok em bai tok orait long olgeta disriks long salim wanpela tim i kam insait long neks yia salens.

Long Westen Hailans, ol bai pilai olgeta gem long Kondopina, Jiwaka gem bai ol i pilai long Minj, Simbu gem bai ol i pilai long Lae, na Isten Hailans gem bai ol i pilai long Madang.

Long olgeta provins, tim husat i win bai kisim prais mani K10, 000 na gold pass long go insait long fainols long resis long K100, 000 prais mani.



CEO Timothy Lepa na Seif Peter Ipatas CCIC Patron, i go long Fact and Find Tour long Hailans long Baing League insait long Jiwaka Provins.



Ol provins i lus long inap wokmanmeri

LONG mekim wok i ron stret na pinis gut, yu nidim ol wokmanmeri long mekim kamap.

Ol provins i nidim tru ol wokmanmeri long lukim samting i kamap, tasol wantaim nupela na strongpela luksave.

Long sait bilong spots development long provins, ol atoriti i mas gat klia tingting long mekim ol rait disisen long lukim spots i kamap strong long provins bilong ol.

I kam inap nau, olgeta provins i wok long lus long dispela eria bilong gat teknikal savemanmeri i stap.

Wanpela gutpela piksa em long ol wok redi bilong PNG Gems.

Dispela em i bikpela samting. Tasol olgeta manmeri long kantri, maski i gat inap taim, i no redi.

Mi ken lukim olsem ol dispela provins i no redi, i nogat inap teknikal savemanmeri long mekim wok long taim.

Wanwan provinsal spots opis i bin kisim tok klia long go pas long dispela projek, na long ol provinsal spots opisa, mi no sutim tok long ol. Ol i nogat trening long mekim dispela kain wok.

Ol provins i pundaun nogut tru long dispela eria bilong teknikal save long inapim laik bilong ol.

Eria bilong teknikal trening bilong ol opisa, i mas namba wan samting ol i mas lukluk long en.

Wok redi bilong PNG Gems, long wanwan provins, i nogat luksave tru.

Em i bikpela samting long mekim gems i kamap gut bilong givim luksave long strong bilong ol etlit long wanwan ol provins i soim strong na save bilong ol long pilai spot.

Sapos yu laikim gutnem long provins bilong yu, yu mas mekim wok long taim, na mekim gut.

Planti taim bai yu lukim ol provins i givim bikpela mani long salim ol tim i go long Gems, tasol ol i no save mekim nem liklik.

Em nau mi tok ya. Givim mani long strongim wok trening bilong ol teknikal opisal bilong provins, na ol bai karim kaikai.

Long dispela Gems, mi laikim ol provins long lukluk long ol ples we ol i pundaun long en, na bihain long Gems i poinis, glasim gut, na bai ol i luksave long ples ol i rong long en.

Ura na Siaka putim mak long Australia

Andrew Molen i raitim

TUPELA Papua Niugini kriket pilaia, Tony Ura na Lega Siaka i putim mak bilong ol long Australia taim ol i skoa moa long 50 rans long Gol Kos (Gold Coast) kriket kompetisen las wik Sarere.

Ura i skoaim 50 rans bilong klap bilong em, Palm Beach Currumbin long helpim ol i winim Alberton na Siaka i paitim 57 bilong klap bilong em, Runaway Bay.

Siaka i bin paitim 57 taim totol rans bilong tim bilong em i bin stap yet long 59 –

tupela ran i kam long ol arapela pilaia.

Ol i ting em bai stap yet na kisim 100 poin tasol Daly Miller bilong Burleigh Heads Bullsharks i autim em.

Ol bola bilong Bullsharks i mekim save long tim bilong Siaka na i autim olgeta yet long 155 tasol.

Na maski ol i lus, planti gutpela toktok i kamap long strongpela pilai bilong Siaka.

Ura na Siaka em tupelo long ol PNG kriket pilaia husat i stap na pilai long Australia aninit long skolasip bilong Cricket PNG (CPNG) we Brian Bell i sponsaim.



PAITIM: Siaka i skoaim 57 rans. POTO: CRICKET PNG.

NEW PREMIUM TUNA

DIANA



PROUDLY PNO MADE





NAMBAWAN TAIM: EDA Ranu Dobo Warriors i winim tupela taitol long Pot Mosbi Ragbi lig. Anda 19 na A gret bilong ol winim tupela bikipela prais long wiken i go pinis. Pot Mosbi Ragbi long nambawan taim i apim prais mani go antap, na Dodo em nambawan tim long kisim dispela tupela prais mani. Long bipo, prais mani save liklik tasol na ol klab save baim bikipela mani long putim tim bilong ol long resis long Pot Mosbi Ragbi Lig. *Poto Nicky Bernard*

INSAIT:

**Ipatas kap
bai pairap
- p31**

**Wiken
spotpoto
- p30**

**Spot
laipstail
- p28**

Johnston's Pharmacies



All Sports and First Aid requirements



For First Aid Kits. Reading Glasses, Reading Glasses with built-in LED light, Sunglasses

**P.O. Box 1066 Boroko
Phone: 325 3185, Fax: 325 0190
Email: sales@johnstons.com.pg**